

四庫全書

史部

欽定四庫全書

欽定日下舊聞考卷四十三

城市

內城中城一

臣等謹按朱彝尊原書所分五城與今地分不符
茲悉照現在五城界址冊籍分編移改

原正南曰麗正門

輟耕錄

原在宮室門今移改

臣等謹按輟耕錄元至元四年正月城京師分十一門各門名俱是年所定也明史地理志永樂間

改為九門麗正門尚沿其舊正統中改為正陽門

本朝仍其名

增城門上各起三滴水樓凡九座其月城外門上仍起

敵樓周圍各用磚石包甃

圖經志書

原至正十年京師麗正門樓上忽有人妄言災禍荆門
之自稱荊州人已而不知所往元史五行志

原宋紫微閣晴出麗正門詩

團團碧樹壓宮城白鳳門

楊渚日明回首瓊華仙島上

片雲猶欲妬新晴燕石

集

原歐陽原功詩

麗正門當十步街九重深處五雲開

雞人三唱萬官集應制須迎學士來

主齋集

原李孝先晚出麗正門和宋學士詩

暮光霞彩炫金

題絳閣高居雄堞低上相接臺達御苑中卽車騎過沙
堤卓離孤披凌雲翻紫燕雙翻蝶雪蹄回首上林涼月
夜藥珠多是圓以上四條原在
寓樓 五峯集 宮室門今移改

原正陽門洪武永樂時尚沿元故名麗正洪熙元年正
陽門名始見於實錄至正統二年十月行在戶部奏麗
正等門已改作正陽等門其各門宣課司宜改從今名

從之

北平古
今記

臣等謹按洪熙實錄無正陽門之名此條所引誤

原正統己未夏四月正陽門月城成

楊文
敏集

原闕帝廟在正陽門月城之右每年五月十三日致祭
先十日太常寺題遣本寺堂上官行禮是日民間賽會
尤盛凡國有大災則祭告之廟有董太史書焦太史所
撰碑記時稱二絕萬厯末特加封三界伏魔大帝神威
遠鎮天尊旨由中出未嘗從詞臣擬定也

燕都遊覽志

原掌道經獻太監林朝神廟時最有寵
漢壽亭侯封號實朝所奏請也

燕史

臣等謹按春明夢餘錄廟建於明初廟中現存明
萬厯間加封碑作神威遠振天尊門額又作遠鎮

燕都遊覽志蓋從門額也

增全天叙正陽門闕帝廟詩草昧雲龍合神霄鐵馬
驥壯心懸日月獨力荷倫帝赫怒空羣龍行師底一匡
英雄青簡浹車騎白雲鄧神器何來涕炎精燭不芒太
阿迷倒柄冠履錯恒方冀北黃巾噪關東赤旆夾老瞞
耽虎視孫豎劇竭張卓紹都勅敵荆徐百戰塲覩顏尸
爵祿校志啟封疆膏血腥分土戈鉞混八荒紅塵飛檄
箭白日掃撓槍汾野遊麟定中原覽鳳翔寒烟瘴燧火
遠畧樹棲桑競逐平原鹿誰辨燬室魴髯侯決聖主赤
手挽天潢豐沛從龍種雲達蓋雁行深心憂國憫大義
報劉長語用金蘭契情同魚水忘尊王探左氏憤亂結中
腸杖策狗京雒塞旗畧沔陽時欲來驥附勇克捷鷹揚
却敵千軍廢盟心百煉剛運謨殲鬼域裂昏矧天狼戀
主心逾石辭曹語益莊下邳聊玩寄官渡亦勸勦立績
酌隆禮披衷暴太陽無辭就桀尹終學報韓良大業荆

南叛英風夏口馳濟師收四郡蕩寇領全襄拒甯陰誅
伐從詩亮節張笑談渾瓌魏搏俎竟隳防繫縛金瓌怒
俘囚白馬成刺顏逆頓轡誅華漫停觴敦悅稱名將難
危念國殤精忠一剑在火德萬夫望帝京景物畧

臣等謹按正陽門關帝廟內尚有四碑一明萬厯癸

丑張橋撰耿志煒書一萬厯丁丑趙端庭撰白紵
經書其義聖忠王四大字碑則天啟元年建也禮
部題定祀典碑天啟七年建也今並存

增關帝廟在正陽門月城之右

本朝康熙十六年

御書忠義扁額

大清一統志

臣等謹按九門月城俱有關帝廟而士民香火之盛以正陽門為首至春秋祀典在地安門廟內

本朝加封位號及改正謚法俱詳載地安門條下

增觀音大士廟在月城內東偏與關廟對

本朝乾隆九年重修廟壁有明萬厯壬辰脩築都城碑

記兵部職方司郎中虞淳熙撰文

五城寺院冊

增張熙觀音大士廟碑記
京師正陽門甕城內自明代以來東西建雙廟東祀觀音大士西祀後漢關侯關

欽定四庫全書

欽定四庫全書
欽定四庫全書

卷四十三

四

侯廟明有焦姓

國朝有施閔章並為碑記碑雖無存而記載於籍惟大士廟未有聞

皇帝以命臣照臣惟釋迦以一大乘教普度情與無情同歸覺海嘗曰如來者無所從來亦無所去故名如來然則分之為過去未來現在三身而實無過去者未來者現在者如如不動而已乃此如如不動之中四智出焉爰有文殊普賢觀音文殊是如來妙觀察智普賢是如來平等性智觀音是如來成所作智佛是三聖大圓鏡智以是四智圓滿三身然後監窮三際橫亘十方同是一如固無如者然則

天子當陽現帝王身而度世固必以無緣大慈無作而成所作矣古之祀典法施於民則祀之況脩已治人無適而非用其妙用安得不像設君室而尸祝之耶如以梵為非族不在祀典則不知觀音本自無身又安得有中外也京師五方輻輳正陽門尤萬民所具瞻遊斯廟

者仰慧日之普明蔭大雲之慈妙知十九應身之各自具足二十五國通之真教在音目擊而音聞焉本清淨

心運慈悲用何莫非吾

皇之錫汝保極數乾隆九年甲子元旦尚書臣張照奉

勅恭撰

并書

臣等謹按焦竑碑現存廟中施閏章碑今無張照

文云俱無存蓋未深考也

原孟兆祥字允吉交河人天啟壬戌進士官刑部右侍郎崇禎十七年三月守正陽門賊至死於門下子章明崇禎癸未進士叔父屍歸母何氏亦死章明與其妻王氏俱自縊昭忠錄

原孟公預製漆棺一具貯卹中致身許國蓋其素志也
載輔人物志

原任辟臣贊忠臣何求孝子之門孝子何德資父事
君嗟彼素槩今罕厥倫惟公父子秉世揚芬表忠紀

朱昇尊原接天啟壬戌先太傳文恪公充會試總
裁官是科得人最盛先後殉難死者自孟公外則
有田公景猷馬公如蛟王公國訓盧公象昇汪公
喬年黃公綱王公徵銜公景瑗焦公覲祖黃公孫
茂倪公元璐王公家彥吳公麟徵尹公洗龍公文
光祁公彪佳徐公石麒華公允誠黃公道周傳公
冠馬公思理張公國維王公錫哀李公兆其時其

不同自靖一也

臣等謹按朱彝尊所載明季殉難諸臣我

國家定鼎之初即賜謚典如孟兆祥謚忠靖倪元璐
謚文正王家彥謚忠毅吳麟徵謚貞肅皆見明史
乾隆四十一年我

皇上褒嘉義烈命將明史及通志諸書所載未經予謚
者俱分別予謚凡

賜謚者一千五百八十四人列祀典者一千九百二人

如盧象昇謚忠肅祁彪佳謚忠惠徐石麒謚忠懿
黃道周謚忠端張國維謚忠敏汪喬年傳冠謚忠
烈尹洗王錫哀謚烈愍馬如蛟龍文光王徵衛景
璦謚忠節王國訓黃綱黃孫茂華允誠馬思理謚
節愍下至匹夫之諒咸蒙秩祀所以扶植經常者
至矣

原大明門前棋盤天街百貨雲集乃向難之景也

穀城山房筆塵

原棋盤街府部對列街之左右天下名士工賈各以牒至

雲集於斯肩摩轂擊竟日喧囂此亦見國門豐豫之景

長安客話

原棋盤街在正陽門內直宮禁大明門之前每朝會諸

典京營將先期領營軍護衛駐足其中樹幟甚盛若乃

天街步月雖城中多曠觀乎此屬第一

燕都遊覽志

以上三條

原在宮室門今移改

臣等謹按棋盤街今

大清門外仍其名街東坊曰敷文為東江米巷街西坊

曰振武為西江米巷

原玉河即西苑所受玉泉注入西湖逶迤從御溝流而東以注於大通河者隄在東長安門翰林院東畔有坊二署曰玉河東西隄其南北有三石梁西隄舊有高柳垂蔭水面崇禎己巳冬城守官軍禦寒無具盡斫為薪僅存翰苑牆東一帶矣

燕都遊覽志

臣等謹按玉河三石梁今皆完固翰苑牆東兩岸楊柳鬱蔥可觀其東西二坊無考

原玉河源出宛平縣玉泉山匯為昆明湖分流而東南
入德勝門西水關至

皇城內太液池由

大內經金水橋流出玉河橋達正陽門東水關東流少
北至東便門東水關出注通惠河亦名御河元時曰金

水河以其自西門入故名

大清一統志

原何景明艷曲御溝連上苑大道接平沙紫陌三千
騎青樓十萬家城中楊柳樹風起暮飛花大復山人

集

原游潛詩

玉河清淺曉粼粼綠漾平沙柳色新兩岸

接臺春似畫紫駝風滾落花塵夢蕉存稿

原汪伯玉河柳詩御溝新柳暗如烟萬縷長條碧可

憐不是滿橋分手處更誰攀折到離筵東麓稿

原蔡羽玉河橋曉行詩太液新波出建章轆轤聲近

想宮牆殘星拂樹天橋淨隔岸啼鶯禁籞長紫氣凝香

開北極蒼龍乘日起東方君王垂拱臨朝早銀燭光中

散驚行林屋集

原歐大任玉河堤上見新月詩弦月纖纖照馬蹄竹

書猶把署中樓溝前垂柳穿林影禁裏新鶯過水啼綈

騎紛隨秦苑北朱旗深護漢宮西倦遊不記長安道千

里閨河怨解攜歐虞部集

原王象屏玉河新柳詩水繞沙堤曲橋看御柳眠柔

條輕著雨嫩葉暗抽烟影落澄波細陰垂畫檻偏亭亭

依漢苑遲日待鶯遷復宿山房集

原李先芳再過玉河堤作馬蹄日日逐紅塵白髮青

山應笑人昨日玉河堤上過杏花開盡不知春東岱

山房詩

增馬祖常玉河詩 御溝春水曉潺湲直似長虹曲似

環流入宮牆繞只尺便分天上與人間 大興縣志

增文衡山在詞林日寓居禁城東玉河岸春水一灣新

柳參參每集文人吟咏其中常自作燕山客舍圖題云

燕山二月已春酣宮柳霏烟水映藍屋角疎花紅自好

相看終不是江南 春明夢餘錄

增李子青玉河新柳賦 皇都春早紫甸寒輕苑花穿

蝶宮樹流鶯披玉河之新柳裊弱質之盈盈夫其芽

點嫩黃穉柳抽淺綠好風之官領無邊皓露之霑濡

才足紅牆東厠匝一灣碧沼西頭迷離幾曲曉

烟捲去分明春水微波夜月含來亦似秋天初沐

纖穠骨格忍被亞夫營裏之名婉潤丰標不作何

妥巷邊之族踈地金縷瀾空麴塵歌小侯之寶馬

瑩華膏之雕輪控曉龍池十里之亭臺隱隱依微鳳閣

千門之簷瓦鱗鱗江北江南梁苑之花似雪三眠三起

漢宮之對名人原夫如線如絲宜晴宜雨等膏最削賞
眉偏嫵橫青兩岸中淹蘭葉之舟濃黛一堆旁卷桃花
之鵝評量才質雲階月地之品流檢校風情睡客詞壇
之宗主既稔性之殊恒自結根之得所乃有漢南拋擲
滴上攀牽關山何處洛中可憐漂陽酒樓無端三月武
昌堆館重來幾年此則短葉披塵淒心麗殺長條拂路
雅意纏綿者矣至若中散門前紫桑宅裏桐分蔭以滿
窗槐夾直而成市柳刺史桂林江上幾歲栽培杜拾遺
秦川道中連朝徒倚金城搖落擁腫十圍板渚接逆綿
延千里雖遙顧盼之惟未極遭逢之美別有上林池館
樂遊綺羅坊名永豐殿號靈和毡場畫藉舞榭晨搓帶
輝正好翻燕如何映酒欹枝全身似舞隔簾吹絮逸韻
旖旎然而京北對心章臺樓角縱極目以延綠宛殊情
於今昨觀此日之芳菲畢御溝而緯約先禁藥之朱櫻
墜階輝之紅藥停寸屢以徘徊記千株之約畧神州沃

帝里濃膏甘泉決潤太液分鏡殿景瀛洲昔藏鴉於塞
葉飛華露掌寧繁馬於柔條一桁西山嵐氣淋侵乎御
陌八星南耀光芒騰射手懸鈞歸院曾迷挿門亦可于
城陰處零殘雪以猶霏東面風過排長衢而倍驛王恭
濯濯對月爭妍張緒依依臨風獨坐一夜綵綵新剪能
忘時昔之染衫五更寶炬如城却憶清明之賜火皇

清文韻

增金鉉字伯玉崇禎元年進士十七年春改官兵部主
事巡視皇城城破鉉趨入朝見宮人紛出知帝已崩即
投金水河家人爭前挽之鉉口噤其臂得脫遂躍入水
水淺濡首泥中乃絕賊居大內踰月出金水河冠袍泛
泛見水上內官指之曰此金兵部也弟錄葬具屍得鉉
首合以木身歸如禮而殮明史列傳

臣等謹按明金鉉

國初謚忠潔

原永樂十五年六月於東安門下東南建十王邸通為

屋八千三百五十楹

明成祖
實錄

原宣德三年四月新作公主府三所于諸王邸之南

明宣

宗定

錄

原烏壘市在王府街之
會同館 燕都遊覽志

臣等謹按明諸王公主府久廢其地今名王府大

街烏壘市無考

原明照坊六鋪

五城坊巷
所集

原宗聚明照坊對雨詩

章臺車馬去如流
白雨霏烟

排畫樓九陌平鋪明似練
兩溝急瀉碧於油
美人虹見

西山霽少女風來北里秋
涼意滿襟

簾幕卷宮鶻歸樹夕陽收
燕石集

原保大坊四鋪有府軍前衛府軍左衛羽林左衛金吾

左衛金吾前衛金吾後衛虎賁左衛迎禧觀捨飯旂竿

寺

五城坊巷
所集

原旂竿寺本永樂年建日給光祿粟米三石後府屬衛

月辦柴薪萬二千五百觔煮飯施貧民

明武宗
實錄

原嘉靖元年正月四川道監察御史鄭本公請出錢賑濟京師凍餓窮民戶部議朝廷舊設養濟院窮民各有記籍無籍者收養蠟燭幡竿二寺衣布薪米厨料約歲費萬金所存活甚衆今院籍混淆或以丁壯竄名或以空名支費二寺復設內官校尉乾沒罔利民無所依弊端坐此請委官查記籍革虛冒其二寺添設內官校尉盡行罷減惟遣光祿寺及宛大二縣官以時更理其事合用柴斤令於臺基廠關支五城兵馬日拊視道路窮

民使就食二寺命如議行

明世宗
實錄

臣等謹按捨飯旃竿寺在雙碾衙衙

本朝康熙三十三年重建改名興福禪林碑稱捨飯寺起於元至元間歷明至今四百餘年云云而無旂竿之名考明張爵坊巷衚衕集所載捨飯旂竿寺在雙碾衕衕下南為翠華衕衕北為弓絃衕衕以地考之則斯寺之為旂竿寺無疑又按明代施賑止蠟燭旂竿二寺內官監放虛冒無寔我

朝五城設十廠中城則給孤寺佑聖菴東城則華嚴寺
海會寺南城則安國寺積善寺西城則增壽寺萬
明寺北城則永光寺廣善寺每年十月一日起至
次年三月二十日止坊官散給御史稽查都察院
堂官不時察看貧民均得仰沾

寔惠矣

原延禧寺迎禧觀在明照坊俱有勅建碑

明順天府志

臣等謹按延禧寺在弓弦衛衛明萬曆三十八年

修兵科給事中吳某撰碑

本朝康熙二十三年重修有碑考坊巷衙集弓弦衙
衙隸保大坊順天府志作明照坊誤也迎禧觀在
王府大街碑云天順庚辰歲建考朱彞尊原書迎
禧觀前條引坊巷衙集作保大坊此條引順天
府志作明照坊互異今以坊巷衙集所繪圖與
現在地面詳勘當以保大坊為是

補興福院在都城保大坊北其主僧尼舍塵至元中平

章政事王公毅樞密副使吳公珪福建宣慰使李公果
始買今院地至大德中平章政事賈公與其夫人林氏
引見於皇后下教出財帛建其殿曰慈尊延祐五年告
成奉旨禁護掌教者錫名清修妙行以褒美之

清容居士集

臣等謹按興福院今無考

原崇真萬壽宮在府南蓬萊坊元至元中建翰林學士
王構為記真人張留孫吳全節相繼居此俗名天師菴

明一
統志

補宗真萬壽宮有五色蕃薇是開闢吳真人手種 集

增張留孫字師漢信州貴溪人少時入龍虎山為道士
有道人相之曰神仙宰相也至元十三年從天師張宗
演入朝世祖與語稱旨遂留侍闕下建宗真宮於兩京
俾留孫居之其徒吳全節字戊季饒州安仁人至元二
十四年至京師從留孫見世祖每歲侍從行幸所司給
廬帳車馬衣服廩餼著為令 元史釋老傳

原 延祐七年七月命元教宗師張留孫修熙事於崇真
宮 元史龔宗紀

原 世祖混同海宇而神德真君張公入觀上悅即兩都
皆建崇真宮居之號公天師 吳文正集

原 吳澄瑞鶴記 泰定元年春左丞相傳旨命元教大
宗師吳全節于崇真萬壽宮虔告于天有所有報元教
之士供給于齋宮者千人將事之時有鶴自東南來者
三俯臨祠壇飛繞久之乃去成事之旦有鶴自青冥下

者二復臨祠壇飛鳴久之而上瑞應上聞有旨命詞臣撰錄若稽諸古一變之樂能致羽物九成之韶能來儀鳳況聖天子敬天之誠乎誠之所感何所不至鶴者羽物之族儀鳳之倫其致其來固其宜爾 吳文正集

原果囉洛納延題崇真宮陳鍊師壁間竹梅遊倪仲愷同賦 空谷天寒雪如堵短篷載酒滄江浦繫船偶傍

竹籬根一樹梅花纔半吐別來京國久相思夢斷愁聞畫角吹忽見新圖寫幽趣令人却憶剡溪時寄語南城

倪博士取琴對此彈秋水中秋月上不須歸共倒青樽醉花底 金臺集

原乘蕭中秋玩月崇真萬壽宮詩 西風吹月出雲端松栢流光繞石壇上國三河天廣大仙家樓觀夜高寒

似聞玉杵鳴元兔疑有瑤笙下翠鸞只把酒杯供醉賞不知零露滿金盤 蛺蝶集

原曾崇崇真萬壽宮訪葛太常作 崇真宮闕禁城東舊說真人住此中鳳去縵山虛夜月鶴歸華表怨秋風

飛花入戶丹房靜古木垂蘿碧殿空一笑
忽逢勾漏令將因暇日間泰同 崇熙集

朱彝尊原按元有二崇真宮一在上都易之詩所

云珠宮灤水上是也一在大都今之天師菴

補馬祖常崇真宮西梨花詩 春日梨花下相逢把臂行
香痕憐粉白酒暈惜紅輕影動簾穿燕聲來樹度鶯共當
拚一醉莫待髻華生 石田集

補倪瓚張尊師祠照致瑞鶴詩 我識白雲君尚有赤松

子仙署閤清嚴社公隨後使步虛禮初日飛神謁鈞天時
有五白鶴飛飛遶香烟手栽千樹桃風吹劫灰爐避世星
壇西深山聞清磬條來密霧集忽逐冷風
還定裏遺瑤瑟空中鐫珮環 清悶閣集

臣等謹按崇真宮一名天師菴明一統志云在府

南蓬萊坊畿輔志云在大興縣南今無考按坊菴
衡衡集天師菴在草廠眉掠衡衡與惠民藥局毗
連叙次今藥局遺址尚存則天師菴疑與相近

原昭回坊靖恭坊在北安門東共十四舖有圓恩寺福

祥寺袈衣寺

五城坊菴
衡衡集

原福祥寺在靖恭坊有勅建碑

明順天府志

以上二條原
在北城今移

改

臣等謹按福祥寺在今蓑衣衡衡前舊作袈衣寺

中有明弘治十一年黎珪撰記正德戊辰修侍講
沈燾撰碑萬厯癸丑重修大學士趙志皋撰碑袁
衣寺今廢再按朱彝尊原書二寺隸北城今移改

圓恩寺詳北城條下

原小時雍坊五鋪

五城坊巷
斷集

原崔子鍾好劇飲嘗至五鼓踏月長安街席地坐李文
正時以元相朝天偶過早遙望之曰非子鍾耶崔便趨
至輿傍拱曰吾師得少佳乎李曰佳便脫衣行觴火城
漸繁始分手別藝苑危言

原金幼孜晚出西長安門詩白髮髭髭老從官藍輿
自便懶登鞍京華久往交游少惟有西山耐久看金

文靖集

原王穉登春雪曲 春風吹雪下桑乾添得城中一夜

寒鴉鵲棲高消不盡長安

街上馬頭看 燕市集

原雙塔寺即元慶壽寺在西長安街塔二一九級一七

級

春明夢
餘錄

原九級者額曰特贈光天普照佛日圓明海雲佑聖國
師之塔碑題燕京編修所次二官王萬慶撰畧曰海雲
名印簡山西之寧遠人八歲禮中觀沼公受戒修童子
行年十一能開衆講義濟衆凶歲金宣宗聞之賜號通

元廣慧大師寧遠城陷師與中觀皆執青吉斯皇帝遣使語太師國王曰老長老小長老可好自是天下稱小長老焉一夕夢神速其行乃來燕時中和老人章公住燕之慶壽寺夢僧杖而入門踞獅子座是日師至師每言於大官人胡土克曰孔子聖人宜世封以祀又言顏子孟子後及習周孔學者皆宜免差役勤服其業從之詔試僧道不通經者還編戶師所著語錄曰雜毒海前後得其法者十四人可菴朗公繼主慶壽寺焉七級者

額曰佛日圓照大禪師可菴之靈塔今寺尚有海雲可菴二像衣皆團龍魚袋海雲像其弟子劉秉忠作贊

帝京

景祐畧

按青吉斯舊作成吉思今照蒙古源流改正胡土克義見前舊作忽都護今譯改

增大蒙古國燕京大慶壽寺西堂海雲大禪師碑記略
師山西嵐谷寧遠人俗姓宋氏禮中觀沼公受戒隋
童子行崇慶改元受金朝銜紹王恩賜納具足戒時年
始十一後三年從中觀寓嵐州之廣惠寺已能陞座講
漢經文時天下山險人相食師竭力濟衆宣宗聞之賜
通元廣慧大師之號初寧遠城陷師與其師中觀皆被
執青吉斯皇帝遣使語太師國王曰老長老小長老可
好存濟無全數每由是天下皆以小長老稱之及師在
嵐州大師國王復將兵至城下中觀慮城陷不免謂師
曰吾老矣元亦為宜汝方妙齡求生路可也師泣曰死

生有命令在難危之際宜忍素師而獨求生况衲子家
風又何有死生之可惑而亂于心乎中觀聞之喜曰汝
心既定計汝緣當在北方吾亦與汝俱北矣中觀示寂
師為殯葬守其墳夢神人告曰今時已至當行矣乃來
燕時中和老人章公往燕之慶壽寺夢一僧攜杖徑入
方丈踞獅子座是日師來中和與問答深有所契遂以
衣鉢付之癸巳丞相霞哩奉詔來燕謁師請訓法名受
戒師聞坐相以嚴為治乃勸之以幽燕殘民遭罹變故
正宜安輯丞相從之遂成善治至如呼都克大官人蝗
災之問師對以官政民心共感之致問出獵則對以救
人為急問刑賞對以仁恕為心及使臣來謁師亦勸以
慈悲安利衆生使臣雖不能悉從亦重其教焉初孔聖
之後襲封衍聖公元措自汴渡河復曲阜廟林以祀師
言于呼都克大官人曰孔子天生聖人襲封凡歷五十
一代有國者皆使之承襲祀事未之或闕大官人從其
請使復襲爵以繼祀事焉師復請顏子孟子後及習孔

周之業者皆免差使勤其教凡與當世王侯論治民之道必以儒教為先哉在兩申朝是差官選僧道丞相霞哩問之曰今奉聖旨試經不識字者令選俗師對曰僧本不高世學以悟為期宜宜與聘士同科丞相以是言白于大官人奏聞由是考試無復退落尋有詔聽僧道如故按霞哩滿洲語斜眼也舊作厦哩今譯改

臣等謹按慶壽寺海雲禪師本末朱彞尊原書引

帝京景物略載王萬慶塔碑文多有脫落舛誤處

即如碑云受金朝銜紹王恩賜納具足戒時年始

十一後三年能陞座講經而帝京景物略則云年

十一能開衆講義又通元廣慧大師慧字誤作惠

又奉旨試經一節只載試僧道不通經者還編戶
一語而截去師言於霞哩霞哩言於大官人奏聞
考試無復退落等句則事實全失今原本現存寺
壁文多漫漶故節錄以資考證云

原至元三年四月勅僧道祈福於中都寺觀詔以僧機

為總統居慶壽寺

元史世祖紀

原耶律楚材為慶壽寺化萬僧疏隱迹林泉置死生
于度外隨身瓶鉢寄口腹于人間欲陰三寶之風強遣
萬僧之化何須異味惟求野菜黃齏不
用多般只要山田脫粟湛然居士集

原至順二年三月繪皇太子真容奉安慶壽寺之東鹿

頂殿如累朝神御殿儀

元史文宗紀

補中統元年賜慶壽寺海雲師陸地五百頃

續文獻通考

補忠烈王三十二年王如元欲與前王俱東還王維紹

等讒構兩宮謀廢嫡以瑞興侯璵尚前王公主為嗣三

十三年元成宗崩前王與皇姪阿裕爾巴里巴特喇太

子及右丞相達爾罕等定策迎立懷寧王海山為帝奉

太子旨捕王維紹等囚之遷王於慶壽寺

東國史畧按阿裕爾巴

見前巴里梵語威也已特喇好也
舊作愛有黎拔力八達今詳改

原北京慶壽寺碑金党懷英八分書最妙正統中惜為

中人所毀

格古要論補

原党懷英工篆籀當時稱為第一 金史文藝傳
原懷英小篆李陽冰以來鮮有及者 滄水集

原慶壽寺舊有石刻金章宗飛渡橋飛虹橋六大字嘉

靖十七年燬

春明夢餘錄

補慶壽精藍丈室之前松檜盈庭景色蕭爽嘗引流水
貫東西梁令水堙橋廢止存二石屏上刻飛渡橋飛虹

橋六大字筆力遒婉勢極飛動有王禮部無競風格寺

中相傳亡金道陵筆也

秋澗集

原姚廣孝住北平慶壽寺事上藩邸

明成祖實錄

增道衍字斯道長洲人出家妙智菴太宗即位授資善大夫太子少師復姚姓賜名廣孝輔太子南京命蓄髮三終不肯賜兩宮人亦不近永樂六年朝北京居慶壽寺

江南通志

原宣德七年二月監察御史李得全劾僧錄司右覺義

大旺於慶壽寺擅創樓閣上命錦衣衛執大旺等付都

察院鞠之

明宣宗實錄

原慶壽寺僧覺貴創毘盧閣高出數十丈虞祥為禮科

給事中抗疏論其罪宣宗怒命毀閣下覺貴於獄

明英宗定

錄

補成化間太監王高休沐居慶壽寺時有兵部尚書某往謁之會都御史王越戶部尚書陳鉉亦至高良久始出揖諸公坐謂曰昔王振用事六卿多通私謁人以為擅權今諸公見訪安知外人不議高耶且諸公訪高不識以高為何如人兵部曰公聖人也高作色曰大而化之之謂聖孔子尚曰則吾豈敢高何人而敢謂聖人辨之聲聲將百言衆喘不能出氣高既卒諸公相次以事敗 瑯琊漫抄

原慶壽寺亦名大慈恩寺在禁牆西俗呼曰演象所初

文皇欲為姚廣孝建第廣孝固辭竟居慶壽寺中後退

居天寧寺百官遂於慶壽習儀

燕都游覽志

增慶壽寺西有雲圓師與可菴大師二塔正當築城安衛時相奏世祖有旨命圓表入城內予以見聖德涵融者如是

新津志

原正統十三年二月修大興隆寺寺初名慶壽在禁城西金章宗時所創太監王振言其朽敝上命役軍民萬人重修費至鉅萬既成壯麗甲於京都諸寺改賜令額樹牌樓號第一叢林上躬臨幸焉十三年十月工完督

工太監尚義工部右侍郎王永和內官黎賢主事蒯祥

各賞鈔有差

明英宗寔錄

補興隆寺有八景弘正間都下諸公賦詩成卷馬東田

為之跋尾令詢之寺僧罕有知者

人海記

增天興隆寺碑李晏撰春明夢餘錄

原姚少師廣孝故配享太廟學士廖道南疏請草之上
亦以廣孝釋氏之徒不當配食乃撤廟主移祀于天興
隆寺明世廟識餘錄

原嘉靖九年右春坊右中允廖道南奏太廟功臣配享
永樂以來附以姚廣孝今天興隆寺有廣孝影堂像荆
髮披緇不可上比聖祖開國功臣之例乞為釐正旨下
禮部議于是大學士張璉桂萼咸曰廣孝事文皇帝雖

有惟懼之謀厥後加以穹秩錫以顯爵亦足以酬其勞矣又列于功臣與享太廟削髮披緇崇沾俎豆揆之義理寔非所宜列祖在天之靈必有所不安者廣孝配位相應撤去但係先朝功臣載在祀典合無移祀于大興隆寺祠內每歲春秋遣太常寺致祭庶宗廟之禮秩然有嚴報功之典兼盡無遺矣上是之告于皇祖太宗而師姚廣孝曰當昔成祖文皇帝靖難之時爾克贊成祖以平多難成祖不爾棄與諸功臣并行封贈配食廟庭朕救禮重還爾位于茲寺中今特遣祭爾其歆承明祀典

嘉靖
祀典

原十四年四月大興隆寺災御史諸演言佛者非聖人之法惑世誣民皇上御極命京師內外毀寺宇汰尼僧

將挽回天下于三代之隆令大興隆寺之災可驗陛下之排斥佛教深契天心矣又言寺基甚廣宜改為習儀祝聖之處上不可部議請改僧錄司於大隆善寺并遷

姚廣孝牌位散遣僧徒

明典彙

原嘉靖十五年五月諭改大興隆寺為講武堂

同上

原嘉靖初廢大慈恩寺從錦衣衛之請即其地改為射所上以金鼓聲徹於大內擬改建元明宮別以大興隆地為射所都督陸炳言大興隆地亦逼禁城惟安定門

外有廢官廳宜將宣武門外民兵教場移此而移射所於民兵教場射所舊地改為演象所得旨湧幢小品先行

原今京城內西長安街射所亦名演象所故大慈恩寺也嘉靖間毀于火後詔遂廢之為點視軍士及演馬教射之地象以非時來偶一演之耳會試放榜次日新郎君並集于其市官廳內請見兩大座主榜首獻茶于前亦可作南宮一佳話竊謂慈恩寺名正與唐曲江名暗合何不即以雁塔題名事屬之每三年輒許南宮諸彥

國初謚曰文忠

原程鉅夫大慶壽寺大藏經碑 聖人之書皆不得已而有言者也西方之聖人虛室為本寂滅為宗而積其書至五千四十八卷其得已哉蓋待法而悟故不可以無法待言而立故不可以無言書者言之寄也于是後世尊其書建大寶藏而藏之名曰大藏經碑學者沿經以求法悟法以成佛然則由言語文字以至虛空寂滅經之功不既大矣乎國家崇信佛法建大佛寺必置經藏叢天下之工書者泥黃金繕寫以示其嚴選天下之善鐫者刊美木刻傳以致其廣京師諸寺日飯僧端坐羣誦撞鐘吹螺晝夜不絕厥又一再遣使秉驛奉香幣徧天下亦如之斯盡恒河沙界並受其福於虜至矣東南海浜之國高句麗古稱詩書禮義之邦奉佛尤謹皇元之有天下間風來附世祖皇帝結之恩待之禮亦最優異父子繼王並列貳館今王又以聰明忠孝

為皇帝皇太后所親幸大德乙巳乃施經一藏入大慶
壽寺歸美以報于上寺為裕皇祝釐之所于京城諸利
為最古皇慶元年夏六月謂某為文勒之石王名章好
賢樂善有德有文逮事世祖以皇甥為世子入宿衛被
賞識成宗朝選尚公主大德末年從今上平內難立武
宗有功為推忠揆義協謀佐運功臣開府儀同三司太
子太師上柱國駙馬都尉蒲王征東行中書省右丞相
嗣高麗國王令上即皇帝位策勲加太尉寺住寺西雲
師名子安法行高卓累朝所器重賜號佛光慈照明極
淨慧大禪師官榮祿大夫大司空領臨濟一宗事 雪

棲集

原趙玉頤慶壽僧舍即事詩 白雨映青松蕭颯灑朱

閣稍覺暑氣銷微涼度疎箔客居秋寺古心跡俱寂寞
夕蟲鳴階砌孤螢炯叢薄展轉懷故鄉時聞風鳴鐸

松雪齋集

原吳萊從丞相園入慶壽寺詩 我來燕山游俠場九

衝氣沙白日黃大車高馬紛騰驟賓客追逐如風狂
相花團雕玉房古粉粉條相低昂雪崖氷谷寒不僵土
脉痺益芒樹長美人素手行環賜清歌雙舞調絲簧
金蝶粉醉有香燕丹遠俗令則常倚城湫塔屹寶坊天
仙夕降雞鳴瑞青旂絳節授我床凌冬翠柏列兩行下
引碧竇跨虹梁誰歟造者完顏王衰年上壽而生光第
一齋僧無諫章九州四海遂不康寒烟蔓草吁可傷蕭
然極目捐平崗燕南趙北天茫茫快騎黃鵠歸故鄉

淵頤集

原揚一清興隆寺詩

三日興隆寺裏齋綠幢繚繞覆

天街過門不敢長驅馬上有君王萬歲牌

石涼葉

原韓邦靖飲興隆寺詩

萬里烟塵暮相逢老衲衣盤

餐無肉食生計有柴扉病骨春仍健浮名靜覺非紛紛

明日事潦倒夜深歸

韓汝慶集

原吳國倫雙塔寺詩

石塔參差御苑西凌空雙雁識

招提梵鈴風起聲相激仙掌雲分勢欲齊似引飛鳬朝

帝關宜頌馬護禪棲長安落日馳車騎何處達人路
不迷觀既洞稿

原王銜詩草按開庭久徒行亦偶然為貪楊柳色忽
到杏花前珠勒分弓影春衫傍酒船都緣無底興隨意

遠牆賦
雞山集

臣等謹按大慶壽寺創于金章宗時明正統中重

修易名曰大興隆寺又曰慈恩寺嘉靖初寺廢後

即其地為射所名曰講武堂又以為演象所今西

安門街北有雙塔慶壽寺殿廡數楹乃

本朝乾隆二十九年重修雙塔在寺西偏再考寺北稍


東有關帝廟又東北半里許亦有名慶壽寺者中有明崇禎間重修廟碑紀叙寺名原委與諸書相同又云射所中有殿宇祀北極關帝西為庫藏歲戊寅修廢補缺于庫中得石刻上鐫帝君聖號遂捐貲遷奉乃建此寺是慶壽寺地本宏敞頽廢已久今前後兩寺皆非其舊特以雙塔尚存而地仍遺址故兩寺雖後來重建猶均存慶壽之名耳金章宗及党懷英書今俱無攷

原朝夾樓在雙塔後呂氏園中樓也

燕都遊覽志

臣等謹案呂氏園無考今雙塔寺後有名萊園

者或即其地歟



欽定日下舊聞考卷四十三

欽定四庫全書

史部

欽定日下舊聞考卷四十六

詳校官庶吉士臣胡鈺

檢討臣德生覆勘

總校官進士臣程嘉謨

校對官中書臣葉元符

謄錄監生臣董光驥

欽定四庫全書

欽定日下舊聞考卷四十四

城市

內城、中城二

原李長沙賜第在西長安門西俗呼李閣老衙衙是也

添水亭

原在北城

雜識

今移改

原李文正公東陽賜第在灰廠小巷李閣老衙衙

長安客話

原李文正賜第久析為民居嘉靖乙酉麻城耿公定向
首議贖還為公祠祀公像有雙履履二寸許絆繫之一

粗紵小衫公舉奇童時著以見景帝者取為具篋撰文

鏤篋蓋藏之祠

帝京景物略

增懷麓堂李文正第堂名也公名東陽字賓之茶陵人

春明夢餘錄

臣等謹按李東陽賜第為祠久廢今其地猶名為

李閣老衙中有耿氏房園雖已頽圯地甚寬敞

應即其遺址

原湛園即米仲詔先生宅之左先生自叙曰歲丁酉居長安之苑西為園曰湛有石丈齋石林仙籟館茶寮書

畫船繡佛居竹渚敲雲亭曲水繞亭可以流觴即以灌
竹竹外轉而松關又轉而花逕則飲光樓在望衆香園
蓋其下也別逕十數級可以達臺是為猗臺俯瞰疏圃

燕都游覽志

原朱氏萬鍾嗜石成癖宦游四方所積惟石而已最奇
者有五一靈壁石高四寸有奇延袤坡陀勢如大山四
面如畫家皴法岩腹近山脚特起一小方臺凝厚而削臺
面刻伯原二字小篆絕佳伯原元杜本字也一玉璫壁
石非方非圓渾樸天成週遭望之皆如屏嶂有脉兩道
作袂紅色一脉潤如小指一細如縷絲自頂上凹處垂
下如漱瀑之射朝日石高可八寸許圓徑尺其聲鏗亮
色純黑凝潤如膏俱磬山產也一英德石高四寸長七
寸如雙虬盤卧玲瓏透漏千蹊萬徑穿孔鈎連一兗州

石大如拳灰褐色巉崑渾雅堅緻有聲或曰出嶧山深谷中一仇池石大亦如拳聲如響磬峯巖洞壑奇巧殊絕公刻其底曰小武夷五石各具形勝皆數百年物奇石記

原古雲山房米太僕萬鍾之居也太僕好奇石蓄置其中其最著者為非非石數峯孤聳儼然小九子山也又一黃石高四尺通體玲瓏光潤如玉一青石高七尺形如片雲欲墮後刻元符元年二月丙申米芾題又有泗濱浮玉四篆字太僕常以所蓄石令閩人吳文仲繪為一卷董思白李本寧為之跋尾春明夢餘錄

原米萬鍾自題湛園詩主人心本湛以湛名其園有時成坐隱為客閒清靜閒雲歸竹渚落日深松門登臺候山月流輝如晤言勺園集

原袁伯修寓近西長安門有小亭曰抱甕伯修所自名

也亭外多花木西有大栢六長夏涼陰滿堦梨樹二花
甚繁開時香雪滿庭隙地皆種蔬宛似村庄小奴負甕
注水日夜不休

燕都游
覽志

臣等謹按湛園古雲山房抱甕亭今俱廢

原永樂二十二年十一月賜衍聖公孔彥縉宅于京師
彥縉數來朝皆館于民家上聞之顧近臣曰四夷朝貢
之使皆有公館先聖子孫乃寓宿于民家何以稱崇儒
之意遂命工部賜宅

立齋
間錄

增英宗復辟孔宏緒入賀朝見便殿帝握其手置膝上語良久宏緒纔十歲進止有儀帝甚悅每歲入賀聖壽帝聞其賜第湫隘以大第易之

明史列傳

臣等謹按明史列傳仁宗踐阼孔彥縉來朝賜宅

東安門外是即立齋閒錄所記賜宅事也按闕里文獻考云宅在東安門北今已不可考後英宗聞賜第湫隘以大第易之即今太僕寺街第也

增崇禎十七年甲申三月十七日太僕寺街查氏一門九女子投環死十九日流賊破城入其室顏如生賊曰

傷元也引刀試之駭而去是日經絕二女

復甦一度為尼一壽終 查氏列女編

增陳儀查氏七烈傳畧 七烈者查氏三女子兩梯如
一黃氏女子一燕氏母皆以亡明甲申三月城破之前
一日致命于查氏之廬者也黃氏查之自出廬因其女
為查側室同居同死故附于查氏云查氏四姑前已酉
副榜忠之女適黃氏黃之族有附客魏者黃翁勸與往
還四姑私誡其夫曰權貴如冰山一朝傾頽禍及我由
是與之絕及客魏誅翁一門獨完中年夫歿撫幼女依
兄以居兄國英國才國英妻周氏姊張氏國才妻也四
姑之依于兄也與嫂氏尤相愛每批燈讀古今節孝事
幼女四人從旁聽之或至泣下四女者長女字二姑周
氏子次三姑四姑張氏子黃氏幼女亦字三姑家人以
其姓別之隨母四姑居于舅氏者也國英已歿崇禎中
申三月流寇猝至外城陷國才謂周氏曰內城破不移
時吾查氏三世居京師為民望與國俱滅無恨奈弱累

何時張氏黃四姑廣氏母女皆在坐廣氏者國才之妾其母寡無子依女以居稱為廣母云周氏曰叔無慮未亡人幸以清白之軀從爾兄地下何苦為國才顧謂張氏曰嫂未有命吾不敢言今既決大事畢矣起前再拜張氏四人齊聲應曰孺人就義我輩忻相從周氏起召四女至語之二姑曰兒等志早定俟母命耳忽門外呼聲動天周氏急揮國才出即羅拜天地以次就經國才至普歸殮唯妾廣氏與幼女四姑二絕歟絕胎間猶微溫解之而蘇同縊者九人死者七人周氏年四十四張氏年三十六廣母與黃四姑俱長于周氏二歲二姑三姑俱年十六乳稍定廣氏度為尼年覺二十幼女獲適王氏今八十餘矣縊時年十二 陳子觀集

原普恩寺在安富坊

明順天府志

臣等謹按普恩寺今存內有明成化壬子丁酉年

重修碑

原永樂十五年三月建洪恩靈濟宮于北京祀徐知證及其弟知諤初徐溫事吳楊行密及溫養子徐知誥代楊氏有國封知證為江王知諤為饒王嘗帥兵入閩靖羣盜閩人德之為立生祠于閩縣之鰲峯累著靈應宋高宗敕賜祠額靈濟宮入國朝靈應尤著上聞遣人以事禱之輒應至是命立廟皇城之西賜名洪恩靈濟宮加封知證為九天金闕明道達德大仙顯靈普濟清微

洞元沖虛妙感慈恩護國庇民洪恩真君知謬為九天
玉闕宣化扶教上仙昭靈博濟高明宏靜沖湛妙應仁

惠輔國佑民洪恩真君

明成祖
實錄

原神父封翊亮真人繼又進封為真君神母曰淑善仙
妃金闕配曰真應仙妃玉闕配曰恭靖仙妃西園聞

見錄

原男子曾甲世居閩縣金鰲峯下灌園園中有破祠其
神常棲箕自稱兄弟二人南唐徐知誥之弟知誥知謬
也晉開運二年率師入閩秋毫無犯閩人祀我于此自
是書符療病驗若影響永樂間成祖皇帝北征不豫詔
曾甲入侍運箕有驗遂封知誥清微洞元真人
知謬弘靖高明真人教有司建廟晉安逸志

臣等謹按明史禮志閩縣所祀靈濟宮乃徐溫子

知證知謬晉安逸志作知詳詳字乃謬字之誤今

原正統元年正月御製洪恩靈濟宮碑文

原英宗御製靈濟宮碑畧神之先蓋出顓頊之後封國于齊至僖王修行仁義得國人心致後嗣之繁逮神伯仲皆南唐義祖忠武皇帝之子伯封江王仲封饒王初奉命守金陵後俱奉命率師入閩愛民之至民用慕戴建生祠于金鰲峯之北圖像致敬如嚴父焉一日謂衆曰來歲我與汝別然不恐汝違及期相繼化去未幾神降于人言並奉上帝列職斗宮于是閩人益虔祀禮祠下有潭遇旱晴者潭出赤蛇雲氣隨起潭面甘雨如

注潢溪霖潦暴溢民庶倉皇望祠致懇忽有役夫如雲操
畚挿疏濬水不為患而竟失役夫所在宋熙寧中閩人
劉彛知桂川禦蠻寇韓世忠戰大儀鎮吳玠戰和尚原
皆得神助以捷蓋神生有至德歿著明靈為國家生民
殄遏邪沴愈遠而愈盛也我皇曾祖太宗文皇帝臨御
常夢二神人言南處海濱來輔家國上異之明日適有
禮官言閩中靈濟二真君事正符所夢遂專使函香迎
請神像至于北京而于宮城之西南作洪恩靈濟宮以
奉祀事因神舊號加以徽稱惟神至仁有禱輒應歲時
薦祭式豐以嚴皇祖仁宗昭皇帝皇考宣宗章皇帝
率循舊章咸隆祇禮朕承天序仰體先志增崇祠宇寅
奉威靈復加神號曰九天金闕明道達德大仙顯靈溥
濟清微洞元冲虛妙感慈惠護國庇民崇福洪恩真君
九天玉闕宣化扶教上仙昭靈博濟高明宏靜冲湛妙
應仁惠輔國佑民隆福洪恩真君因祠之成書神
世系及功德之大者刻諸貞石以示久遠 同上

原成化二十二年重加尊號伯曰九天金闕總督冠神
洪恩靈濟慈惠高明上帝仲曰九天玉闕總督置神洪
恩靈濟仁惠弘靖上帝神父加封高上神主慈悲聖帝
神母加封安寧護國恭靖元后金闕妃天房衛保節靖
元君玉闕妃天房衆母顯
佑元君 西園聞見錄

原倪文毅岳官禮部值遣祭金闕玉闕真人奏曰徐知

證知誥唐叛臣之裔也祀典不敢議

畜德錄

原弘治元年八月禮部侍郎倪岳言金闕上帝玉闕上
帝神父聖帝神母元后金闕元君玉闕元君誕妄不經
一年數祀不無煩黷且維皇上帝主宰于天而兄弟並

稱上帝其僭已甚況父母及妃並受隆名稱帝稱君僭擬益甚所有名號乞依永樂中封者為正以後加增一切祭祀俱宜罷草奉旨靈濟宮祭祀照舊真君并父母妻仍舊封號新加上帝等號俱草去

西園聞見錄

原弘治十八年十一月冬至遣祀靈濟宮大學士劉健等言靈濟真君冒名僭禮惑世誣民臣等讀聖賢書心知邪偽而身與周旋則講讀皆成虛文輔導更為何事且有其誠則有其神無其誠則無其神臣等心既不信

誠從何生強使驅馳雖祭何益乞將前項祭祀革罷免
令臣等行禮上曰二真君之祭據禮當革但先朝行之
已久姑仍其舊今後不必遣內閣重臣止令太常寺官

行禮

明武宗
實錄

原崇禎十五年給事中左懋第疏言二真人乃叛臣之
子不宜受朝臣拜跪請以帳幕隔之報可

春明夢
餘錄

增皇城西古木深林春峨峨夏幽幽秋冬岑岑柯柯無
風風聲日無日色中有碧瓦黃甃時春時角靈濟宮也

永樂十五年建祀玉闕金闕二真人像機胎木體被衣
首機其頂手機弱肘足機腕膝據之欲動福州原像也

帝京景

物畧

原知證溫第五子在吳歷刺史節度使烈祖受禪封江
王改王魏徐氏諸子知證最為長卒年四十三 馬氏

南唐

書

原知諤溫第六子起家為太子中舍累遷刺史節度使
知詢敗以知諤為金陵尹烈祖受禪封饒王進王梁客
遊林出除地為廣場編虎皮為大帷率僚屬會於下號
曰虎帳忽遇暴風飄虎帳碎如飛蝶知諤驚遽棄歸數
日病卒

同上

原知證知諤本楊吳徐溫子溫養子知誥即帝位稱唐
封知證為江王知諤為饒王知誥卒子景立改元保大
二年二月閏始亂王延曦延政連兵相攻景因其亂遣
查文徽臧循發兵攻建州擒王延政福州為李仁達所
據因以仁達為節度使景欲罷兵而查文徽陳覺等請
乘勝取仁達景以覺為宣諭使召仁達朝金陵不受命
覺因發汀建信撫州兵攻仁達時魏岑安撫漳泉亦率
兵會之景又以王崇文為招討使王建封為副使益兵
會討馮延魯魏岑陳覺皆為監軍仁達數敗于吳越吳
越兵救至覺等爭攻進退不相應延魯先戰大敗而走
諸軍皆潰其後福州詐言吳越戍兵殺仁達遣人請建
州節度使查文徽文徽與建州刺史陳誨下舟閩江趨
應之文徽留誨屯江口自進屯西門伏兵發文徽被擒
誨與越人戰勝之攻景前後遣將攻閩者具載于史未
嘗有知證知諤領兵之事則所云屯兵金鰲峯下者妄
也且知諤之死在知誥昇元三年五月于時景未即位

猶未加兵于閩惟知證之卒在景保大五年三月正當
王延政之次年而陳覺等之敗亦在是月又與明年化
去之言戾至云兄弟相繼則尤妄之妄矣二百年來淫
祀矯誣無有能正之者倪岳周洪謨等亦但言其篡臣
逆子不宜戴祀典未能舉史傳事實始末以證
流傳之訛宜當時之不能盡革也 蟬案別志

原京師靈濟宮講學莫盛于癸丑甲寅間是時大學士
徐階禮部尚書歐陽德兵部尚書聶豹吏部侍郎程文
德主會皆有氣勢縉紳可扳附得顯官故學徒雲集至
千人丙辰而後諸公或歿或去惟階尚在而講壇為主
一空矣戊午歲太僕少卿何遷自南京來復推階為主
盟仍為靈濟宮之會然遷名位未可恃號召諸少年多
無應者 明

世廟識餘錄

原成化間山西妄男子侯得權詭姓名李子龍謀入內
為逆伏誅乃開西廠于靈濟宮前詔太監汪直領官校

百餘人刺事

雙槐歲抄

原宣城第園在靈濟宮前府第中園也衆木参天夾竹

桃二大樹層臺高館不下數十張席者日無虛地

燕都游覽志

增王世貞靈濟宮詩欲暝天全白將窺月漸升龍街員嶠燭星燦紫微燈綺色深三殿鐘聲徹五陵醉須攜興往春事日相仍

弇州山人稿

增費宏過靈濟宮詩

匹馬春行困馳逐巍然仙宮驚

在目簷牙高啄總塗金殿趾重鋪皆砌玉雕牆畫壁擁

周遭旋苗為泥間青綠諸天相去僅尺五世界依稀藏

一粟龜趺屹屹載穹碑指眼含辛三四讀乃云二闕在

清都能與蒼生造冥福誰知無益只勞民敲骨椎髓心

剝肉神輸鬼運未應難即使為之當夜災憶昔鳩工庀

材日健卒賴肩車折軸是時泰晉正苦饑不雨經時巫

可暴爺娘食子夫食妻米石寧論錢一斛地下真應有

劫灰人間恐見生妖木星摧石語皆緣此下土狂夫謂
神酷誰能因鬼見上帝移移往覆逃亡屋百金可惜臺
可無薄己憂民除秘祝歸來偶讀漢文

紀籍首吾君繼芳躅帝京景物畧

增李夢陽冬日靈濟宮十六韻貝闕崑崙外浮生此

路疑蓬萊移舊國塵世出瑤池蕞爾雙仙跡飛騰後晉

時論功竟恍惚識兆且遙迤德惠精靈託呼嗟霹靂隨

先皇親議號繼聖必修辭爵陟王侯上尊同帝者師龍

裾分內錦宮女準昭儀雨露宮城切星辰天仗移琳琅

摧繡拱松栢蔭丹墀瓶內金花涌龕前紫鳳垂晴還日

月秘暝則鬼神悲玉帛推龍虎瑤編述蛇兒漢惟藥大

顯秦竟羨門欺五帝非無術千齡今見誰累朝明誓冊

玉櫃少人知

空同集

臣

等謹按靈濟宮久廢今土人呼靈清宮者即其

舊址濟呼為清聲之轉也考陸游南唐書稱義祖
生六子及烈祖開國惟知證知諤在知證第五王
江改王魏元宗嗣位尊禮內宴用家人禮起舞拜
跪為壽知證亦以叔父自處卒年四十三知諤第
六初封饒王進王梁鎮潤州游蒜山忽暴風懼而
屬疾數日卒常語客曰人生七十為大限吾生長
王家窮極歡樂一日可敵世人二日年三十五其
死乎至是如其言歛以衮冕及上方秘器諡曰懷

與朱彞尊所引馬氏南唐書大同小異是知證知
謬皆未嘗有功于閩蟬窠別志辯之極詳明代靈
濟宮之建淫祀非禮其廢宜矣

原積慶坊四舖有紅羅殿戰車殿太平倉惜薪司嘉興
寺半藏寺興化寺

五城坊巷
衙集

臣等謹按紅羅殿太平倉久廢今護國寺南其地
猶以是名戰車殿惜薪司無考嘉興寺今存半藏
寺在嘉興寺東考寺碑云建于元至正間為僧義

佛駐錫之所師早膺祖印定慧不羣人羨所居名
半藏焉至正七年其徒智存奉狀徵銘丞相布哈
奏請賜額義利明嘉靖中重脩改名保安寺再考
元宰相名布哈者二十餘人此碑所載至正七年
布哈丞相以元史宰相表考之乃博爾濟布哈也
興化寺在半藏寺東北半里許寺中有明嘉靖等

年重脩碑四今其地猶名興化寺街云

按博爾濟
蒙古語二

車奴也舊作別
光怯今譯改

增旌勇祠在半藏寺西

本朝乾隆三十三年

勅建祀將軍明瑞

御書旌勇祠及折衝抒蓋額

增

御製原任將軍公明瑞建祠碑文 朕惟蓋臣授命書

竹冊以揚名懋典褒忠飾丹楹而舉祀惟馳驅之共勵
斯義烈之常新載妥崇祠並垂貞石爾雲貴總督將軍

兵部尚書一等誠嘉毅勇公明瑞譽隆門冑望著巖廊
玉塞從戎早炳雲臺之圖畫金符出鎮久揚月窟之旌
麾屬因炎海之鯨波俾司總制爰及期門之虎旅分統
戎行城指三江兵分兩路自懸軍而深入每陷陳以登
先奪食方傳絕嶂則壘摧十六街枚並進橫橋則兵渡
三千已成破竹之形輿圖在掌更作因糧之計膽畧從
心而乃中軍獨効長驅別隊不聞後繼天戈決盪仍整
旅而孤行地絡陰森遂全師而獨殿毒鋒屢及竟至捐

軀急遞俄傳良深扼腕既易名以表烈復裕後以延庥
考制而立專祠推恩而及同難爾都統扎拉豐阿護軍
統領觀音保總兵李全王玉廷或以將門宿衛志切同
仇或以專閫分裨心期共命率虎羆而奮武冒矢石以
抒忠義不獨生禮宜配食嗚呼璇題璀璨長迴日月之
輝雕琰嵯峨永壯風雲之氣靈其式鑒尚惟永欽

原闕帝廟在皇城地安門東者曰白馬廟隋基也姚彬
盜馬廟在三里河天壇亦隋基也

春明夢餘錄

原白馬祠昔慕容氏都燕羅城有白馬前導因以為祠

元混一方輿勝覽

原果羅洛納延白馬廟詩祠宇當城角霜蹄刻畫真

房星何日墮駢骨自能神曾蹴陰山雪思清瀚海塵長

疑化龍去騰踏上雲津金臺集

以上三條原在北城今移改

增漢壽亭侯廟在宛平縣東成化十三年建俗呼白馬

關帝廟蓋隋之舊基也每歲五月十三遣太常官致祭

春明夢

餘錄

增商賂撰闕帝廟碑漢壽亭侯廟在都城西北隅蓋

洪武中建我太宗文皇帝嘉侯功烈特頒龍鳳黃紵絲

旗一面揭竿豎之以彰威靈每歲正旦冬至及朔望祭
祀香燭等儀具有恒品列聖相承崇奉益嚴第歲日滋
久殿堂門廡沒以頽圯成化丁酉春二月初吉皇上申
命內官監太監宿政董衆工發羣材重加修葺朽者更
之腐者易之圯者正之缺者補之漫漶者增飾之塗以
丹漆傳茲藻繪于是正殿兩廊重門皆煥然一新楹木
植竿內製暗花柳黃紵絲旗揭之并製紵絲大紅織金
等袍服青織金雲幡袂之懸之添設神桌神龕黃綾帷
幔朱紅竹簾黃銅香爐花瓶燭臺凡供用之器罔有不
備後嫺于窄隘復命太監金輔齋內帶白金若干偕宿
政市民居房地展之并付本廟永奉香火內植松栢外
列垣墉規模廣大觀者起敬政等以竣事聞上深嘉悅
命臣輅撰文勒之穹碑垂示永久臣輅頓首受命謹按
侯姓閩氏諱羽字雲長本河東解人聞涿郡先主聚徒鄉
里匡扶漢室遂往歸之時與張飛翼德齊名先主及二
人寢則同林恩若兄弟遂累建奇勲三分天下使炎鼎

獲存漢統復續侯之功居多侯精忠大義炳若日星千載之下凜然猶有生氣祠廟之設遍于天下然涿郡發迹之地順天為涿之會府都城有廟揆理尤宜祭法曰聖王之制祭祀也以勞定國者祀之以死勤事者祀之侯蓋兼之矣歷代累封王爵備極褒崇我皇明重定典禮忠臣烈士一依當時秩號此漢壽亭侯之稱所謂有合于先王之制也歟當天子懷柔百神之日聿新祠宇祇薦祀事所以報大功于異代祈景貺于方來無非為國家為生民計也自是以往陰陽調而風雨時五穀熟而民人有國有祿祥物無疵癘永濟斯世于雍熙太和之盛則侯之所以翊贊乎佑我聖明者其功不亦偉乎臣輅謹敘述其事而系之以詞曰桓桓虎臣生丁漢季資兼文武至誠忠義修聲如戰雄才卓異傾心先主力扶宗社威靈臨吳所向風靡漢祚復延厥功為最侯之勲業著于當代侯之英靈昭于永世洪惟天朝奄有四海護國庇民神功甚大立廟都城用伸報祀肆惟皇上

述事繼志幸新祠宇度越前制惟侯陟降洋洋如在佑
戒皇明永錫帝系聖壽萬年鴻圖億載福祿自天有隆
無替成化十三年六月
十三日 五城寺院冊

臣

等謹按白馬關帝廟在地安門西朱彝尊原引

春明夢餘錄在地安門東誤也且春明夢餘錄另
載一條云在宛平縣東其地相合因增載於此再
考商輅碑云廟建于洪武年間成化十三年重修
今碑尚存廟中春明夢餘錄作成化十三年建亦
非又按廟之以白馬得名者元混一方輿勝覽以

慕容氏都燕羅城有白馬前導因以為祠而廟碑
載明英宗夢見帝乘白馬故名所說不同然

神之昭布顯赫益可想見矣

增闢帝廟在地安門西每年春秋二仲月及五月十三
日遣官致祭

本朝順治九年

敕封神為忠義神武關聖大帝雍正三年

封神曾祖為光昭公祖裕昌公父成忠公崇祀後殿五

年脩廟

御書忠貫天人扁懸廟中

饗廟通志

臣等謹按廟中有聯曰浩氣丹心萬古忠誠昭日

月佑民福國千秋俎豆永山河

今上御書

增乾隆三十三年

加封神為忠義神武靈佑關聖大帝四十一年

特命改諡忠義

禮部

增

世宗憲皇帝御製闕帝廟後殿崇祀三代碑文 自古
聖賢名臣各以功德食于其土其載在祀典由京師達
于天下郡邑有司歲時以禮致祭者社稷山川而外惟
先師孔子及

闕聖大帝為然

孔子祀天下學宮而

關帝廟食福薄海內外其地自通都大邑下至山陬海

澁村墟窮僻之壤其人自貞臣賢士仰德崇義之徒下
至愚夫愚婦兒童走卒之微賤所在崇飾廟貌奔走祈
禳敬畏瞻依凜然若有所見蓋

孔子以聖

闕帝以神神之陟降上下顯赫覽觀以警動覺悟保佑
扶持與斯人呼吸相應答者感而通微而著洋洋乎忠
義正直之氣充塞于宇宙之間與日月星辰同其明江
河山嶽同其體風霆雨露同其功用宜其英靈之振古

常新而為歷代賢豪所莫能並也本朝崇奉典禮綦隆

世祖章皇帝順治九年勅封

神為忠義神武關聖大帝較往代封號尤尊且正京師

神之所歲遣大臣將事惟謹朕續緒膺圖尊隆秩祀登極之初既加封

先師五代以展尊師重道至意更念

神福國庇民禦災捍患英風冠古浩氣不磨生有自來
鍾靈孔厚宜追封三代晉爵工公爰允禮臣之議加封
神魯祖光昭公祖裕昌公父成忠公博稽史冊名諱弗
傳特用闕疑以彰敬慎虔製木主于雍正五年六月供
奉後殿春秋崇祀著為令典夫禮繇義起而善則稱先
事神事人理無二致

神威靈赫濯昭灼于千萬世則

神之先人享明禋崇美報歷千萬世而勿替以稱國家

昭事

明神之盛典禮制攸宜至宏遠也是用勒文貞石紀奉祀所始以貽示來茲俾有考焉

增

御製重修闕帝廟碑記 人之道非聖無以致其極至
聖不可知而謂之神如書所頌乃聖乃神與夫炎帝之
稱神農夏禹之稱神禹者希焉若神之道畋畋穆穆自
日星河嶽爰逮坊庸門雷之各顯其職靡不緣司契以

定主名則純乎神而非人之所得預者生為英殤為靈其功德勿沫于世世亦相與俎豆尸祝以神之然未有不推乎正直聰明足立萬禩人倫之表故畢然尊而宗之以為神聖焉蓋聖而神之所以著聖道之精神而聖之所以明神道之正若是者嘗求諸

先聖先師而外厥惟

闕聖大帝克以當之攷

神生值炎漢之季炳大節鋤姦回本末具載志傳要之

超倫軼羣其志在春秋其氣浩然常塞乎天地以故前
代屢致褒崇至我朝而逾顯且

神蹟不可殫記而于行師命討為益彰自順治九年
敕封忠義神武迨康熙雍正間

詔晉三代公爵增置五經博士及朕臨御以

神原諡因襲陳壽舊史名義未孚每厯於懷我

國家久仰

靈威近於西師之後復蒙

佑順因特加封曰忠義神武靈佑並允太常議于地安門

神廟恭書新號神牌門殿易蓋黃瓦其歲渝舊葺彫剝者望之槩之俾稱茂典以今年仲冬月訖工宋臣蘇軾言神在天下如水之在地中無所往而不在顧由斷港絕潢達乎河濟江淮不能不以溟渤觀其滙由墟落鄺市赴乎赤畿望紫不能不以都會統其歸於焉求

神之所憑依詎惟是褒大其封鼎新其宇用備昭報之

廉文云爾哉將闡夫神與聖之所從來所以為人道扶
植綱常助宣風教卽制祀之原胥不外是其他稗野所
載怪偉荒忽事蹟不見正史者闕而不書懼褻神並誣
聖也

增賢良祠在白馬關帝廟旁雍正八年

勅建

世宗憲皇帝御書扁額曰崇忠念舊祀王公大臣之有
功

國家者王二人怡賢親王和碩超勇襄親王策凌公七
人愛星阿圖海福善費揚古賴塔伊德兆惠侯三人李
國翰張勇施琅大學士二十六人范文程巴克什達海
額色黑寧完我魏裔介王熙阿蘭泰李之芳張玉書張
英吳璥李光地張鵬翮富寧安朱軾田從典高其位馬
齊伊桑阿福敏黃廷桂蔣溥史貽直梁詩正來保尚書
十二人姚文然魏象樞湯斌顧八代徐潮馬爾漢趙申
喬勵杜訥徐元夢楊名時汪由敦李元亮左都御史一

人拉布敦都統三人根特馮國相傅清將軍六人佛尼勒
莽依圖王進寶孫思克阿爾納和起總督十四人孟喬芳
李國英靳輔于成龍趙良棟傅臘塔齊蘇勒楊宗仁李衛
那蘇圖陳大受鶴年喀爾吉善鄂弼巡撫三人陳瓚徐士
林潘思榘副都統一人褚庫巴圖魯凡七十八人

大清一統志

臣等謹按賢良祠今又增入大學士公一人傅恒

尚書公一人阿里衮大學士七人尹繼善陳宏謀
劉綸劉統勲舒赫德高晉于敏中內大臣議政大

臣一人哈世比尚書二人米思翰錢陳羣總督二
人吳達善何燭

增

世宗憲皇帝御製賢良祠碑文 朕維國家鍾昌隆之
運誕降賢臣宇宙成熙皞之風端資良弼故徽聲聿播
旗常銘勒于生前而元祀攸崇俎豆歆承于身後用以
寵褒已往勸勵方來所由沛殊恩舉曠典也爾和碩怡
賢親王忠孝自天敬勤成性嘉猷入告啟乃心以沃朕

三

輝珉石深鑄式煥星雲之色凡百有位其咸觀感于茲
原藥王廟在北安門海子之西偏廟東瀕海子宜賓初
月萬柳沿堤客多載酒其間鷗波魚藻真長夏時一清

涼界

燕都游覽志

原藥王廟天啟中魏忠賢所建也落成時帝加獎諭賜
賚甚厚當年必有豐碑而今無片石蓋為人所踣矣

淥水

亭雜識

以上二條原在北城今移改

臣等謹按藥王廟今存廟旁有碑座一而碑已無

存應即魏闔重修時所立後人惡而踣之耳

增皇城內河來自玉泉山經高梁橋分而為二一灌城隍
一從德勝水關匯入後河至藥王廟西橋下流入禁地

春明夢
餘錄

臣等謹按今藥王廟東有橋名西步糧橋玉河水
由此入

西苑春明夢餘錄作在藥王廟西誤再地安門東有東
步糧橋即燕史所云北安門外文昌宮迤東步糧

橋者是也

欽定日下舊聞考卷四十四

欽定四庫全書

欽定日下舊聞考卷四十五

城市

內城東城一

原明時坊西四牌十六舖東四牌二十六舖有羽林右

衛武功左衛武功右衛武功中衛

五城坊巷
衛衛集

臣等謹按五城坊巷衛衛集羽林右衛在保大坊

武功左衛武功中衛在小時雍坊武功右衛在思

城坊朱彛尊原書俱作在明時坊誤然其地今無

可考矣

原南之左曰文明

輟耕錄

原在宮室門今移改

增文明門即哈達門哈達大王府在門內因名之

析津志

臣等謹按明史地理志文明門正統間改為崇文

門

本朝仍其名

原薛宣夏日出大明門詩

文明門外柳陰陰百樹黃

鵬送好音行過御溝回望處

鳳凰樓閣五雲深敬軒

集

原蔡汝楠夏日登崇文城樓詩

玉京城闕蔚崔巍

夏追琴瑟興催亭午薰風吹解帶半空爽氣接行杯桑乾水映梁思出碣石雲移睥睨開自是憑高多古意從來賦客慣登臺

白如堂集

原吳乾庵園居有海月菴王延亭春草池醉眠橋冷澹

泉養鶴關今訪其遺跡已不可得

折津日記

原海月庵在皇牆之西吳文定寬之居

春明夢餘錄

原吳寬海月菴冬日賞菊圖序畧弘治二年十月二十八日翰林諸公會予園居賞菊既各有詩宜有圖置

其首乃諸鄉人杜謙寫之大率寫其意不求甚似至于衣冠古雅亦不必似今人而况草木之產乎同集者謝

鳴治李賓之陳王汝林亨大李世賢陸應伯王濟之兒爽抹卷而進亦與焉乾翁家藏集以上三條原在

中城今移改

增陳瑞詩

校看埽地畫亭形匠石輪材構破成喜挈

將畧賢宅相有隨燕雀老門生一庭滿覆槐陰綠四座
平分海月明高扁玉延題詠動槐村棟杪先耆英王

延亭圖

增吳寬玉延亭成次韻王汝偶載山藥得佳名墻下

幽亭一日成車馬勒回無俗士壺觴傾倒盡平生升階
脫屣長頭近倚檻觀書老眼明此後來遊誰復障繞籬

須為惜殘英同上

增王鏊喜玉延亭新成小詩落之海月西來合有亭

亭中讀易定康成一時地勢皆增勝再到風光已隔生
書帶草青新雨歇臨池水黑斷虹明玉延為客翁為主

應笑靈均嘆落英同上

增李世賢和詩并序玉延亭成承王汝以原倡見示

久夫奉賀是用補作一首以附詩壇屋角高槐偃蓋
形槐陰又見一亭成林疎不啻溪雲度天濶先看海月

生修竹幾竿臨水活幽花數朵隔籬明也和獨樂非君
意鎮日相遇總俊英 同上

增李東陽詩 玉延亭上三年約金谷園中四韻成前
度看花非老眼後堂開燕秋諸生時時杖屨穿林影西
面軒窗生月明疑斷芳華就靈藥夜泉和露煮瓊英
同上

增陸容和詩 此地原無潤壑形藥園花園北來成經
營日已無餘願服食應非羨久生抱甕不辭三徑遠把
書隨意四簷明也知人好居還
好文酒時時走俊英 同上

臣等謹按王延亭海月菴析津日記云訪其遺跡
已不可得而春明夢餘錄以為在皇城之西故朱
彝尊原書列之中城西偏其實亦傳聞之詞耳今

考河南彭氏所藏張見陽補畫王延亭圖有趙寬
賦序云春坊先生所居崇文街第有園一區名亦
樂中有亭曰玉延賦首又云並東郭之青陽則斯
亭應在東城又考毛澄重建王延亭記云園中別
有菴曰海月王延為菴之輔則海月菴與王延亭
毗連亦無疑故移於東城持其舊址今亦無可考
耳圖中和詩甚多今第取吳寬原序所有諸人之
詩增載

增賢良寺舊在東安門外帥府衙雍正十二年建本
怡賢親王故邸捨地為寺

世宗憲皇帝賜名賢良寺

御撰碑文以記乾隆九年

皇上御書心經塔碑勒石於寺二十年移建於冰蓋衙

衙

大清
一統志

增

世宗皇帝御製賢良寺碑文 賢良寺者朕弟和碩怡

賢親王故邸第也朕臨御之初晉王藩爵膺總理之寄
竭忠誠之悃帷幄訏謨邊防大計以及方田水利理財
用人皆能區畫精詳贊襄治化朕用賴焉八年以來有
如一日功在社稷澤在生民實

聖祖篤孝之子朕之愛弟而純臣也是由

國家昌運

祖宗景福篤生我王畀予一人顯一代之偉人為本朝
之良弼指諸史策概不多見焉生平鉅細皆由至性雖

聲容言動皆能純摯感人使接者莫不愛敬且淡漠於
富貴希濶於聲色崇儉約已樂善博施行常留意空宗超
有妙悟宣佛氏所謂菩薩再來者歟王遺言以邸第作
佛宮今既沒因成其願勅寺額曰賢良識其實也命禪
者主之建大法幢集大法衆吹大法螺演大法義長為
吾王冥福詎不善歟寺功既竣紀王勲德並勒貞珉與
佛日同昭法燈永炳云

臣等謹按崇文門北去里許為單牌樓曰就日又

北曰四牌樓東曰履仁西曰行義南北曰大市街
單牌樓西東長安門街北自王府大街至崇文門
街朱彛尊原書皆隸中城今以現在地界考之屬
東城故原書中城卷內澄清坊以下各條移序於
後又按教忠坊原書屬之北城今四牌樓以西至
東直門大街交道口以南皆屬東城故原書北城
卷內教忠坊以下各條亦移叙於後合為一卷其
崇文門大街以東仍依原書由明時坊起於下卷

內以次編叙

原澄清坊九舖有成壽寺元極觀

五城坊巷
衛街集

原成壽寺在澄清坊有勅建碑

明順天府志

以上二條原在中城今移改

臣等謹按澄清坊成壽寺在今椿樹衛街明成化元年内監夏時所建也時有弟詔封翊教禪師勅住此寺萬厯癸丑重修詹事葉雲舉為之記元極觀在乾魚衛街今存

原燈市在東華門王府街東崇文街西亘二里許南北

兩廡凡珠玉寶器以逮日用微物無不悉具衢中列市
棊置數行相對俱高樓樓設毬毬簾幕為宴飲地一樓
每日賃直至有數百緡者夜則燃燈於上望如星衢市
自正月初八日起至十八日始罷鬻燈在市西南有冰
燈細剪百綵澆水成之按宋時燈市乃從九月菊燈始
今止正月內數日耳

燕都游覽志

原在中城今移改

增上元十夜燈始於太祖今北都燈市起初八至十三
而盛迄十七乃罷也燈夕者朝連夕市而夕連朝燈也
市在東華門東亘二里市之日省直之商旅夷蠻聞狎
之珍異三代八朝之骨董五等四民之服用物皆集衢

三行市四列市樓南北相向朱扉繡棟素壁綠綺疏其
設燈巡簾幕者勲家戚家宦家豪右家眷屬也向夕而
燈張燈則燒珠料絲則夾畫堆墨等紗則五色明角及
紙及麥猪通草則百花鳥獸蟲魚及走馬等樂作樂則
鼓吹雜耍絃索鼓吹則搥律陽城東山海青十番雜耍
則隊舞細舞筒子筋斗蹬蹻蹻梯絃索則套數小曲數
落打碟子其罷則和必斯都哩點色察爾奇等烟火施
放則以架以盒架高且大盒層至五其所藏械壽帶葡
萄架珍珠簾長明塔等於斯時也絲竹肉聲不辨拍點
光影五色照人無妍媸烟屑塵籠月不得明露不得下
永樂七年令元宵節賜百官假十日今市十日賜百官
假五日內臣自秉筆策近侍朝臣自閤部正外臣自計
吏不得過市猶古罰市募益惟意其他例得與吏士軍
民等過市市樓價高歲則豐民樂樓一樞日一夕賃至
數百緡者帝京景物畧按和必斯蒙古語樂器名
也舊作胡撥四都哩蒙古語式樣也點色罷城也舊作

土兒審失察爾奇滿洲語扎板也舊作又兒機今俱譯改

原石崑玉燈市詩燈市百貨聚類聚還分局雜沓掩
塵埃穹窿象山谷波斯細舉名最下亦珠玉滿城恣意
觀履鳥時交觸側肩趣友朋轉盼遺僮僕樓上樓下人
徒倚自相矚重冠與嬌容迴還日不足倘非扶厚歲焉
用空馳逐惟我獨開行輝煌聊記目他他白面郎囊裏
金如粟訪古探瑰奇十僅償其六本擬快於心旁觀容
有蹙為君話所從原出巨家積向購此場中而今在此
驚佇看市道間何事無翻覆物類火傳薪人棄風轉燭
拚諸海陸珍推與豪華蓄姑數杖頭錢來酣春酒熟
燕都游覽志

原范景文詩御溝春暖漲冰絲風煖沙吹日影移珠
綴九微光燦爛張燈不待月高時王孫約隊簇金貂
玉勒青驄綺陌驕文貝珊瑚看不盡東華門外市三條
朱樓一帶蔚嵯峨陣陣香風襯綺羅龍燭薰風喧不

夜天街到處月明多
月明處處度生簫
春色分明念
四橋有酒勸君須盡醉
百年能得幾元宵
冰簷堂搞

原徐穎燈市詞
東掖門東燈市開
千官萬姓擁塵灰
悔不多錢買身貴
鞍龍喝道下驢來
燕都游覽志

原劉侗竹枝詞
田家歌舞魏家聚
海淀園林恭順香
桃李笑分先後種
恩波一片是春光
帝京景物畧

原汪思賢詩
長安燈市畫黃宵
游女爭呈馬上腰
踏遍燈光不歸去
更留同伴走三橋
錦繡未初未曾收

猶供燈殘晴冶游
好向高梁看柳色
清明上巳在前頭
燕都游覽志

原賀世壽燈市詩
冰條未破玉河流
春氣先蒸市上樓
錦旗花團宣笑語
幾家都尉幾通侯
九微燈影六

街連景色仍如舊
思年只有官人歸
去早酒壚不待月
中天
同上

原王應遠燈市詩
千官休沐逐良期
不見牙牌掛阿誰
聞說昔年三學士
召來殿上撰燈詞
星毬蓮炬半

欽定四庫全書

卷四十五

空懸火煎梨花罩酒筵莫道米珠薪桂地誰人肯惜買
燈錢哥宜休休載盤車估客蓄兒莫自誇寶玩聖明

原不好故令結市在東華同上

原玉驛燈市內迎春燈罷更喧騰盡說繁華較舊增

國事正當宵旰日君王大內不看燈近隊人過燈市
來喧喧街鼓動成雷苦悶堂僊應如此一歲何妨月一

回出坑新花不耐寒裝來盆盞也難觀衆中最苦惟
梅樹奇字香煙屈曲蟠同上以上八條原在中城今移改

增王廷陳燕京元夕曲大道未樓錦繡圍歌鐘萬戶
曉春暉樓前大樹嶙峋照化作紅雪片片飛香車一

一渡星橋翠袖雙雙引玉簫但許遊人爭辟易不知夫
婿漢嫌姚萬柳千花巧何裝春風吹散綺羅香誰教

月已糝糊甚惱我幽并
遊治郎帝京景祐畧

臣等謹按燈市久廢今東安門外稍北猶存燈市

口之名

原法華寺在明照坊俱有勅建碑

明順天府志

原在中城今移改

臣等謹按法華寺在今豹房衙衙明景泰中太監

劉通捨宅為寺天啟中重修詔賜藏經璽書有大

學士黃立極碑記

原仁壽坊八舖有府軍後衛金吾右衛隆福寺仰山寺

五城坊巷衙衙集

原在中城今移改

臣等謹按五城坊巷衙衙集金吾右衛在南薰坊

朱彛尊原書作仁壽坊誤府軍後衛坊巷集不詳
其地仰山寺云有前後街今俱無可考隆福寺在
大市街西馬市北其街猶以寺得名明景泰年間
建有碑在寺中

原景泰三年六月命建大隆福寺役夫萬人以太監尚
義陳祥陳謹工部左侍郎趙榮董之閏九月添造僧房

四年三月工成

明景帝
實錄

原景泰五年四月新建隆福寺成車駕擇日臨幸有司
已夙駕除道太學生濟寧楊浩上疏陛下即位之初首

幸太學海內之士聞風快覩今又素儒術而崇佛豈可
垂範後世耶儀制郎中章綸亦言以萬乘之君臨非聖
之地史官書之傳之萬世實累聖德上覽疏即日罷行
時又有太學生西安姚顯疏言王振竭生民膏血修大
隆興寺車駕不時臨幸請自今凡內臣修葺寺院悉行
拆毀以備倉廩之用時不能用自正統至天順京城內
外建寺二百餘區大臣諫官不言而二生言之一時名
震中外 明典景

原大隆福寺為景帝所建至撤英宗南內木石助之未
幾又從山西巡撫都御史朱鑑言謂風水當有所避忌
乃命閉正門不開禁鐘鼓聲又拆寺門牌坊所謂第一
叢林者而無救於禍難成化間又以妖僧繼曉建護國
大永昌寺致勞憲宗親幸不通時曉誅寺毀二寺皆逼
近禁藥隆福今尚存而永昌無寸椽片瓦矣 野獲編
原京師鉅刹大興隆大隆福二寺為朝廷香火院餘皆
中官所建 菽園雜記 以上四條原在中城今移改

增大陸福寺三世佛三大士處殿二層三層左殿藏經
右殿轉輪中經毘盧殿至第五層乃大法堂白石臺欄
周圍殿堂上下階陞旋繞雕欄踐不藉地曙不因天蓋
取用南內翔鳳等殿石欄杆也

帝京景物略

增隆福寺在東城大市街之西北明景泰四年建
本朝雍正元年重修每月之九十日有廟市百貨駢闐
為諸市之冠有

世宗御製碑文又

御書真如殿匾曰慈天廣覆乾隆十一年

皇上御書匾二曰法鏡心宗常樂我淨

大清
一統志

臣等謹按真如殿聯曰覺海澄圓無所住義天高

廣本來空

皇上御書

增

世宗皇帝御製隆福寺碑文 京城之內東北隅有寺
曰隆福肇建於明景泰三年逾歲而畢工營構之費悉

出於官蓋以為祝釐之所自景泰四年距今二百七十
餘年風雨侵蝕日月滋久朕昔曾經斯寺有感於懷茲
乃弘施資財庀材召匠再造山門重起寶坊前後五殿
東西兩廡咸葺舊為新飾以采繪寺宇增輝煥之觀佛
像復莊嚴之相既告厥成因勒貞石以紀其事夫佛之
為道寂而能仁勸導善行降集吉祥故歷代崇而奉之
然朕非以自求福利洪範曰欽時五福用敷錫厥庶民
言王者之福以被及羣生為大也然惟我

皇考聖祖仁皇帝功德隆厚厯數綿長四海兆人胥登
仁壽之域自古帝王備福之盛無有比倫朕纘嗣鴻基
思繼

先志使遐邇蒸民嚮教慕義俱種善果各種福田藉大
慈之佑感召休徵錫以繁祉井里安阜耄期康寧享太
平之福永永無極則朕所以受

上天之景福承

皇考之慶澤者莫大乎是此朕為蒼生勤祈之至願也

夫

原教忠坊十舖元殺宋文丞相於此地故名

五城坊巷
衛所集

原至元十六年帥臣張宏範執文天祥至大都囚之上

屢欲救出相之不從十九年十二月初九日戮於燕南

城柴市

中堂
紀事
以上二條原在
北城今移改

臣等謹按春明夢餘錄柴市即今府學舊基在

都城東北隅元時城偏於北故中堂事紀稱為南

城也

原天祥北行十月至燕館供帳如上賓天祥義不寢處
坐達旦四日張宏範至具言不屈狀五日送兵馬司械
繫空宅中十餘日解手縛又十餘日得疾十二月去械
猶繫頸自是因兵馬司者四年其為詩有指南前錄三

卷後錄五卷集杜二百首皆有自序

劉岳申文
信公傳

原公至崇市觀者萬人公問市人曰孰南面或有指之
者公即向南再拜索紙筆書二詩云當年軍師走維揚
萬死逃生輔宋皇天地不容興社稷邦家無主失忠良
神鼎萬徵風雷變氣吐烟雲草樹荒南望九原何處是
塵沙飄淡路茫茫衣冠七載混泥沙憔悴形容似楚囚
龍臥兩宮崖嶺月籠珠萬竈海門秋天荒地老英雄喪

國破家亡事業休惟有一靈忠烈氣碧空長共暮雲愁
是日大風揚沙天地盡晦公既死世祖臨朝歎曰大丞
相好男子不肯為吾用殺之誠可惜也自後連日陰晦
宮中白晝或乘獨行適張真人來朝世祖問之對曰此
殆殺文丞相所致也乃贈公持進金紫光祿大夫開府
儀同三司檢校太保中書平章政事廬陵郡公謚忠武
公蓋樞密院事王積翁書神主灑掃祭市設壇祠之丞
相博囉初行奠禮狂誕旋地起卷主入雲中博囉等改
書前宋少保右丞相信國公天始開霽趙弼文信公
傳

補歲在壬午乃至元十九年也于是祥興亡且三年矣
宋瑞因中作替井序曰吾身居將相不能救社稷安天
下軍敗國亡辱為俘囚其當死久矣被執以來欲引決
而無間今天與之機謹南向再拜以死其贊曰孔曰成
仁孟曰取義惟其義盡是以仁至請聖賢書所學何事
而今而後庶幾無愧宋丞相文天祥絕筆 龔開文信

公傳

原江南十義士昇公藁葬都城小南門外五里道傍大

德二年繼子陞至都順城門內見石橋織綾人婦公舊

婢綠荷也為陞語劉牢子乃引到葬處大小二僧塔其

大塔小石碑刻信公二字遂以歸葬廬陵帝京景物

畧

補張千載字毅父廬陵大文山友也文山顯貴屢以官

辟皆不就文山自廣還至吉州城下千載來見曰丞相

赴北某亦往遂以故宋公營求江西省咨之北寓于文

山因所側近日以食奉之凡留燕三年潛造一楹文山

受刑後即藏其首仍訪文山妻歐陽夫人于俘獲中俾

出大其屍千載拾骨置囊并積南歸付其家葬之

集

原文丞相祠國初北平按察司副使劉崧立

名勝志

原永樂六年太常博士劉履節奉命正祀典謂天祥忠
於宋室而燕京乃其死節之所請祠祀從之祠堂三楹
前為門又前為大門祠之西為懷忠會館江右士夫歲
時集會於此以祭公者也宣德四年保定李庸為府尹
重拓其祠信國所著有日錄吟嘯集指南錄集杜詩並
刊板祠中 春明夢餘錄 以上七條原在北城今移

改

增文信國正氣歌

天地有正氣雜然賦流形下則為

河嶽上則為日星於人曰浩然沛乎塞蒼冥皇路當清
夷含和止明庭時窮節乃凡一一垂丹青在齊太史簡
在晉董狐筆在秦張良椎在漢蘇武節為嚴將軍頭為
嵇侍中血為張睢陽齒為顏常山舌或為遼東帽清操
厲冰雪或為出師表鬼神泣壯烈或為渡江楫慷慨吞
胡羯或為擊賊笏逆豎頭破裂是氣所磅礴凜烈萬古
存當其貫日月生死安足論地維賴以立天柱賴以尊
三綱實係命道義為之根嗟予遘陽九隸也實不力楚

因饗其冠傳車送窮北鼎鑊甘如飴求之不可得陰房
闇鬼火春院閤天黑牛驥同一皁雞棲鳳凰食一朝蒙
霧露分作溝中瘠如此再寒暑百沴自辟易嗟哉沮洳
場為我安樂國豈有化繆巧陰陽不能賊顧此耿耿在
仰視浮雲曰悠悠我心悲蒼天曷有極哲人日以遠
典型在夙昔風簷展書讀古道照顏色 吟嘯集

臣等謹按文丞相祠在府學衙內府學之東其
西為名宦祠懷忠會館今無考

原宣德二年二月遣順天府官祭宋丞相文天祥歲為

例
明典

原歲仲春仲秋有司陳設爵三果五帛一羊一豕一祝

大曰皇帝遣順天府尹某致祭於宋丞相信國文公曰

卿昔宋臣以身殉國忠義大節炳若日星時維仲春秋庸

伸常祀卿其有知尚克享之

明嘉靖
祀典

原歷代忠臣廟皆府尹致祭凡祭必用祭服獨此用常服湧幢小品

原楊士奇文丞相祠記

北京之有公祠洪武九年前

北平按察司副使劉崧始建於教忠坊今順天府之右

而作塑像焉永樂六年太常博士劉履節奉上帝正祀典

始有春秋之祭於育司歲以順天府行事宣德四年府

尹李庸遵旨葺而

新之東里集

原正統十三年十二月順天府尹王賢奏宋丞相文天

祥故元時塑以儒士像今宜考究宋時丞相冠服改塑

從之

明英宗
實錄

原韓雍請謚文信公疏 竊見宋丞相少保信國公文天祥弱冠立朝臨危許國志專恢復屢挫折而不移心切匡時蹈艱危而不變死而國亡被執繫獄累年誘之以大用而不從賜之以刀鋸而不屈卒之南向再拜殺身成仁收三百年養士之功止千萬載為臣之極有指南錄以著其忠愛有集杜詩以寄其憂傷其精忠大節與日月爭光與天地悠久誠足以正人心而扶世道也顧於沒後贈謚未加實為缺典乞勅禮部翰林院儒臣考議加以贈謚錄其子孫并將順天府學之西天祥祠堂遺像改塑丞相冠服仍令有司春秋祭祀其於綱常誠非小補 韓襄毅集

原信公至景泰中賜謚忠烈人多不知 羅文恭集

原甘瑾請文相相傳作萬里冰天泣楚冠南雲歸計
路漫漫尚圖一旅興王易不念孤兒立國難樓閣海門
西日暗劍歌江介朔風寒九京痛憶遺編在千載好談
掩面看明詩統

原章懋謁文丞相祠詩元宋興亡速已陳忠臣祠宇
尚如新夕陽古樹烟猶暖夜雨荒堦草自春慷慨六歌
空灑泪間闕百戰竟捐身穆陵地下應含笑不負贖傳
第一人楓山集

原黃仲昭謁文丞相祠詩故宮芳草泣銅人滄海樓
船足紫宸赤手擎天西墜日丹心誓埽北來人山河萬
里雙垂淚廟宇千年獨搶神魁首燕山知幾何至今高
節共嶠岫木軒集

原顧清謁文山祠詩碧殿長松鎖十尋曉雲將雪助
蕭森貂蟬不改厓山制金石疑聞孔壁音南土望潮嗟
往事北來祠廟豈公心春風一掃唐衢淚幾為先生濕
短襟東江集

原歐大任謁文信國祠憶昔南冠日匡山恨未忘魂
沈紫市月淚盡薊門霜白雁啣江草黃龍逐海航中原
冠劍在歌舞待五陽歐虞部集
原葉向高謁文丞相祠辭余夙觀夫載藉兮心保佗
而爵紆唁信國之遺殃兮中情要眇其焉如曰余留覽
乎皇之部兮瞻元宮之岷嶠猶周垣而延佇兮涕淫淫
其交睫惟宋室方舍夫庚兮猘踰下而喘齊民夜昏
昏其未央兮旦又重之以晦冥蘭艾雜揉而不分兮駕
驥並道以爭馳彼靈瑁之莫懲兮厥宗忽然而實之荃
服敦瘁以祗辟兮紛獨有此慘節介忠曾信兮欲鞭焚
輪而掃狂孽何辭命之塞塞兮羌抑志而遭殃雖顛預
吾猶未悔兮諒余情其信芳技已殫而力已竭兮惜浩
天之莫顧然俯首而受維兮悲窘步於中路曩極慘以
遭罔兮悄見愠乎題題下天眇而不見天兮上又當乎
颺戾之衝颺荃畢命而抵節兮更申申其誓之曰夏商
周之忍沒兮競逐鹿而喪馬羌孰讎而孰君兮爾何懷

乎故社豈莖心之思聞兮掩吾耳而欲走也甘蹈刃以
如結兮亦明哲之所厚也嗟大厦之既顛兮狂瀾頽而
誰柱諒昭質其未虧兮安能忍與此終古羣摩牙吮血
以相向兮先不可以久留乃遂焉而遠映兮漁駕言乎
馬遊駒玉此而乘翳兮張孔蓋而拂翠旌奄靈衣之披
披兮曰余從夷齊於首陽之陲神遊遊其高馳兮氣耿
耿而成虹叫帝閭猶未開兮極勞心之極極帝感莖之
精誠兮命神龍奮而驅之廓日月而重朗兮固莖心之
所未玷微軀而危死兮孰與夫忍辱而攘尤莖既畢此
顧兮辭閭風而來下蔭房遲以宮荒兮寥芳洲之杜若
余薦沆瀣以醞醞兮羞瓊靡以飽飫受哀絃於太娥兮
消延和之以清商靈肅而若觀兮冀為煥燭乎余誠兮
跪於邑以陳辭兮勃颺颺而風生陳辭兮末終靈怪舉
兮雲中助余思兮無極恨四海兮安窮悲乎哉狂瀾潰
兮夫誰能以不波網常陸兮欲哲人其奈何蒼霞草
增楊士奇重修文丞相祠記孟子曰我知言我善養

吾浩然之氣知言者盡心知性而有以究極天下之理
浩然之氣即天地之正氣具於吾身至大而不可屈撓
者知之至養之充而後足以任天下之大事天下之事
莫大於君父文丞相甫冠奉廷對即極口論國家大計
未幾元兵渡江又上書乞斬嬖佞之主遷幸議者以一
人心安社稷固己氣蓋天下矣自是而斷斷焉殫力竭
謀扶顛持危以興復為己任雖險阻艱難百挫千折有
進而無退不幸國亡身執而大義愈明蓋公志正而才
廣識遠而器闊浩然之氣以為之主而卒之其志弗遂
者蓋以天命去宋也雖天命去宋而天理在公必不可
已故宋亡其臣之殺身成仁者不少論者必以公為稱
首公事具宋史而公鄉人劉岳申據公所著日錄吟嘯
集指南錄集杜二百首及宋禮部郎官鄧光薦所述督
府忠義傳以作公傳視史加詳實焉北京之有公祠洪
武九年前北平按察副使劉崧始建於教忠坊今順天
府學之右而作塑像焉永樂六年太常博士劉履節奉

命正祀典始有春秋之祭于有司歲以順天府尹行事
宣德四年府尹李庸始至謁公祠下顧瞻祠宇敝陋弗
稱遵用詔旨葺而新之凡祀神之器靡不備具又求岳
申傳刻石將使人人皆知世之為臣者光明震動焜焜
烈有公也於戲忠孝人道之大節治化所先而崇禮先
賢表勵後人尤守令之急務庸其達為政之本與庸字
執中保定唐縣人寬厚明敏自太學生授工科給事中
上親擢為順天府尹愛人之心刺繁之才上下皆稱之
而盡心學校敬賢尚德如飾昌平之秋梁公劉諫議祠
而嚴其祀之類皆其知本之務皆可書也因並書之以
示來者 春明夢餘錄

原鄧刻贊

目煌煌兮珠星晚寒氣英英兮晴雷殷山

頭碎柱兮壁完血化碧兮心丹鳴呼孰謂斯人不在此
間 中齋稿

補王炎午望祭文丞相文 嗚呼扶顛持危文山諸葛
作相雖同而公死節倡義舉勇文山張巡殺身不異而

公秉鈞名相烈士合為一傳三十年間人不雨見事終
身執義當勇決祭公連公童子易簣何知天意佐忠憐
才留公一死易水金臺乘風捐軀壯士其或久而不易
霜雪松柏嗟哉大山山高水深難回者天不負者心常
山之髮侍中之血日月韜光山河改色生為名臣死為
烈星不然勁氣為風為霆于將莫邪或寄良冶出世則
神入土不化今夕何夕斗轉河斜中有光芒非公也耶
梅逢集

補姚廣孝謁文丞相祠詩 凜凜宋忠臣赫赫元世祖
禮遇各有道聲光照千古舊祠燕城東松柏森牖戶英
靈貫日月勁氣鼓雷雨有司未朝命維時薦芳醑客來
拜庭除欲退復延佇 逃虛子集 以上十七條原在
北城今移改

增羅倫宋丞相文信國公祠堂記 公名天祥南弱冠
奉廷對陳君道之大本經世之急務文思神發萬言立
就可謂天下之大材也董宋臣主議遷幸公上章乞斬

之賈似道誤國要君公嘗以義裁之呂師孟偃蹇傲命
公又上章乞斬之勤王詔下重臣宿將縮頭駭汗公提
孤兵獨往當之敵次皋亭三軍震動宰相遁荒公挺身
獨往說之可謂天下之大勇也大慷慨就義決死生於
一旦中人猶或能也若愿履萬死其執彌堅其志彌勵
非仁者其能然乎方公之使北詆罵激烈當死脫京口
走真州如揚州趨高郵抵通州苗再成逐之李庭芝疑
之無日而不當死然後遵海道涉鯨波始立二王開督
南劍敗績於空坑當死仰藥於潮陽當死絕粒於南安
當死至就囚燕獄從容南向再拜而死震動天地照耀
萬世可謂天下之大忠也宋之亡死國事者多矣陸秀
夫張世傑死於海李希死於潭趙昴發死於池江萬里
死於饒姚時死於常趙時賞死於洪先君武岡公死於
吉督府行朝死者不可勝數雖然死矣未有如公之出
萬死而後死微子之去其子之囚龍逢比干之諫伯夷
叔齊之餓諸葛武侯之鞠躬盡瘁備於公之一身矣自

古亡國之臣未有如公之烈也收宋三百年養士之功
立千萬載為臣之極不在於公乎公非仁者之勇浩然
塞於天地之間者乎公去今二百年順天府祠公於學
宮鄉郡祠公於城南公之子孫祠公於富田富田之祠
元季兵燹為橫民所奪龍鳳間會事李公欲冰復之正
統間知府陳公本深體之景泰間都憲韓公雍奏加謚
號孫用子孫今成化二年會憲李公齡來掌學事以公
九世孫繼宗入學保公鄉人周王憲割田贍之是皆有
功於名教可書故書之以詔後世之為人臣者一舉
集

增虞集受文丞相詩 徒把金戈挽落暉南冠無奈北
風吹子房本為韓仇出諸葛寧知漢祚移雲暗鼎湖龍
去遠月明華表鶴歸遲不須更上新亭望大不如前漢
渡時 遺園學古錄

增曾參謁大丞相祠 國事艱危屬東野平生慷慨竟
捐身百年社稷歸元主萬古祠堂表宋臣已見高明垂

宇宙運明遠像南齊神猶疑碧血生芳草留得青芬歲歲春

集 陳健集

增王整謁文丞相祠 義氣橫天白日陰巍然遺像學宮深千金欲得留侯士三擊難回豫讓心白昔奸諛誰不死如今元社亦銷沉黃昏榮市風沙慘回首行人淚不禁

震澤集

增邊貢謁文山祠 丞相英靈迥未消絳帷燈火颯寒風乾坤浩蕩身難繫道路艱危夢且遲花外子規燕市月水邊精衛浙江潮祠堂亦有西湖樹不盡南枝向北朝

華泉集

原明宗積十七年三月戊申左都御史李邦華繼於文丞相祠

甲乙景畧

原三月十八日賊破外城李公移宿吉安館文信公祠下重醵家祀信公詰朝內城而奔赴大內關門閉歸館沐浴整衣冠北面再拜三揖信公曰邦華卿那復學台死國難請戊先生於九京矣取白練書贊繫腰間曰堂

堂大夫聖賢為徒忠孝大節誓死靡渝臨危授命庶無愧吾君恩莫報鑒此疵愚繼尾書人生自古誰無死留取丹心照汗青之句賜家人讀總憲印繳還朝廷勿汙賊手移席正直持來帛繫信公生相投縲而絕三月十九日辰時也 李邦華傳 以上二條原在北城今移改

增永樂六年太常博士劉履節奉命正祀典始春秋祭於有司祠二碑一楊士奇一羅倫按公授命至元壬午十二月月初九日風沙晝晦宮中皆秉燭行百官入亦秉燭前導世祖以問天師張悔之贈公特進金紫光祿大夫太保中書平章政事廬陵郡公謚忠武命王積翁書神主灑掃柴市設壇祀之丞相字羅行初莫禮忽旋風起捲神主雲中隱隱雷鳴如怨之聲晝愈晦乃改前宋少保右丞相信國公天乃霽 帝京景物畧

增考文天祥所著日錄諸書相傳並刊板祠中今皆無有惟唐李邕所書雲麾將軍李秀斷碑二碑尚殘於壁

破屋三間塑像元坐冠進賢冠朱衣色黧神座之右石刻半像執笏冠如明世國公旁刻孔曰成仁蓋曰取義

數語 帝

京古迹考

臣等謹按石像雲麾將軍斷碑二礎及吳涵記今存東壁又有嘉靖中南京戶部主事李世德詩石庭中有石刻本傳楊士奇碑今無考又按劉侗帝京景物畧載祠內尚有羅倫碑今考羅倫文末段乃記文丞相鄉祠本末似不應勒石於此劉侗所記未足為據也

原良鄉縣有雲麾將軍碑為學博座為柱礎閱人董生
見之言於宛平縣李棠美蔭蔭委曲寓書於令輦致款
其署壁間匾曰古墨齋黎惟敬王敬美皆有記耳談
原此碑後移少京兆署中止二礎其四礎相傳萬厯末
為王京兆惟倫攜之大梁 春明夢餘錄
原李言恭雲麾將軍斷碑歌 蒼頡史籀不可起蚪蚪
鳥迹今已矣書苑千載尊鍾王乃有北海接其軌得意
最是雲麾碑當年落筆風雨隨何意斷之作柱礎神物
終為造化私年多委置荆榛裏瓦礫冰霜竟誰視數字
模糊蒼蘚封雙靖斷缺推重毀吾黨好古有李侯忽焉
搜致如琳瑯一朝載入長安市拂拭光芒動斗牛莫嗟
此物久淹棄隱顯鬼神或有意李侯選我把酒看白日
高堂氣自寒人生踪跡亦類此屈不知已伸知已 貝
葉齋稿 以上三條原在中城今移改

增唐雲麾將軍李秀碑靈昌郡太守李邕文并書逸人
太原郭卓然摹勒并題額李秀字元秀范陽人唐元宗

朝以功拜雲麾將軍左豹韜衛府中郎將封遼西郡
開國公卒於開元四年葬范陽福祿鄉碑刻於天寶元
年李北海有兩雲麾碑一為李思訓在陝西一為此碑
其官同其姓同也然此碑筆法道逸大勝陝碑秦人有
者石墨鐫華者乃以為一碑且以此碑為趙松雪所臨
誤矣此碑舊貯良鄉縣庫中不知何時入都城宛平令
李蔭掘地得六破洗視乃雲麾碑建古墨齋以覆之後
移少京兆署中止二破其四破傳謂萬厯中王京兆惟
儉攜去汗中

天府廣記

臣等謹按明趙崑石墨鐫華唐雲麾將軍碑跋云
北海書得意者碑在蒲城朱秉弼又謂良鄉亦有
此碑蒲城者為趙文敏臨書今蒲城碑尚在為李

思訓墓處北海真蹟非文敏所能良鄉本肥媚文
敏書無疑據此則孫承澤之駁摘趙崡乃因朱秉
龍之言而誤且所云肥媚者亦約畧傳聞之詞其
實未見良鄉碑故不知其為李秀而誤與思訓為
一人也至秀碑之遷徙始末吳涵記之甚詳碑始
斷而斲之為礎者良鄉學生某以其石告者閩人
董生輦致之而作古墨齋以貯之者宛平知縣李
蔭其後攜六礎之四至汴而留其二者為順天府

尹王惟儉自府署又遷之置文丞相祠壁者為順
天府丞吳涵孫氏書悉未及之也至四礎之入汴
不知所在

原普德寺俗呼大佛寺建置歲月無碑記可考

折津
日記

臣等謹按大佛寺在柴市西口稍南寺門前有碑
四俱漶漫不可讀

欽定日下舊聞考卷四十五